

四庫全書考證

十四

漢書門類			
六	二	二	二
〇	〇	〇	〇
冊	架	函	號

內閣文庫			
五	二	二	二
〇	〇	〇	〇
冊	架	函	號

內閣文庫		
番號	漢	2450
冊數	60	(14)
函號	297	93



A 1 2 3 4 5 6 7 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



欽定四庫全書考證

武英殿聚珍版

卷二十二 經部

韻補

增修互注禮部韻畧


五音集類

中原音韻

古今韻會舉要

古音叢目

古音駢字



古音駢字續編

屈宋古音義

詩本音

唐韻正

臣馬啟泰恭校

韻補 宋吳棫撰

卷一

一東韻誦注欲循道而平驅兮又未知其所從原本循

訛修據文選改

九魚韻衙注左朱雀之芟芟兮右蒼龍之躍躍原本雀

訛榮據文選補遺改

卷二

八語韻酒注張超謂青衣賦原本超訛衙據古今韻畧

改

卷五

一屋韻國注萬室擬封君千林挺荆國原本君訛家據
古今韻畧改

增修互注禮部韻畧 宋毛晃增注 毛居正重增

卷一

一東滾注在容切刊本在容訛之中又水外之高者刊

本訛複衍上文小水八大水句並據廣韻及鳧繹詩

疏改

六脂夔注春秋夔國刊本夔訛魚據左傳改

十三佳厓注又水際亦作涯又朱厓郡名亦作朱涯刊

本脫亦作涯三字文複衍朱厓二字並增刪

卷二

十陽鷲注古又作蕭刊本蕭訛鷲據說文玉篇改

卷三

二十七銑蛭注淵蛭蠖濩之中刊本脫蠖字又蕘訛蠖

據漢書增改

卷四

六至駟注富父終甥駟乘刊本甥訛主據左傳改

十四泰欽刊本訛斂據玉篇廣韻改

十五卦差注拔旆投衡注上不帆風差輕刊本旆訛旗

上訛止又注字訛在拔旆上並據左傳改

三十二霰眩注俗儒不達時宜刊本時宜訛宜官 又

使人眩於名實刊本名訛咨並據漢書改

三十六效削注以家邑之田任稍地刊本地訛蛇據周禮改

卷五

四覺渥注德至渥也又厚漬貌刊本脫德字又脫又厚

漬貌四字據漢書及說文增

士干一業注建業金陵刊本建訛屬今改

五音集韻 金韓道昭撰

卷一

一東公韻註公祖句茲刊本復衍句字據通志刪 又古今人表有公房皮刊本表訛寺據漢書改 又漢四皓有東園公刊本東園公訛園先生據史記改

二冬琬韻注罌長頸者刊本罌訛罍據說文改

三鍾椽韻注木名刊本名訛上今改

五脂陴韻注城上女牆也刊本女牆二字互倒今改

藤韻注蓄藤蔓冬刊本復衍冬字據爾雅刪

邨韻注谷名在西海刊本名在訛在仕今改

犖韻注說文曰羊名踠皮可以割黍刊本踠訛號據說

文改

戲韻注慮戲氏之後刊本氏訛代據通志改

六微脍韻注夾脊肉也刊本脊訛芹據易疏改

韋韻注至楚大傅韋孟遷於魯刊本傅訛博據漢書改

葦韻注葦醜芴刊本芴訛刀據爾雅改

卷二

七魚廬韻注周威王時有匡俗廬居刊本匡訛住據後

漢書注改

八虞苻韻注本姓蒲氏刊本蒲訛籀據晉書改

巫韻注司巫掌羣巫之政令刊本羣訛作居平二字據

周禮改

蔬韻注形似土菌生菰艸中刊本似訛以菌訛菌菰訛

孤並據爾雅注改

盱韻注盱眙縣在楚州刊本楚訛達據唐書改

輸韻注南史建武中賜蕭穎胄白輸牛刊本史訛楚穎

訛賴據南史改

九模怛韻注秦王怛而不信人刊本秦王怛訛怛且馬
據史記改

葫韻注張騫使大宛所得之刊本張訛宋大宛訛天苑
據漢書改

十齊是韻注是月者何僅逮是月也刊本者訛宣逮訛
遠據公羊傳改

歎韻注九方歎善相馬刊本九訛有據莊子改

十二灰梅韻注漢有梅銷刊本銷訛銷據史記改

十三哈來韻注來歛光武祖姑子刊本脫祖字姑訛始
並據後漢書增改

一真文韻注禮大夫以魚須文竹刊本竹訛作據周禮
改

責韻注求也刊本求訛木據說文改

烟韻注烟熅天地氣刊本熅訛煙據廣韻改

六魂賁韻注虎賁三百尺刊本虎賁訛戎車據尚書改

七元壎韻注壎樂器也刊本復衍樂字據說文刪

卷四

八寒韓韻注有韓魏公為相有三子長曰韓綱尚書員外郎次曰韓綜刑部員外郎幼曰韓絳昭文館學士案宋史韓琦傳琦封魏國公子五人忠彥端彥純彥粹彥嘉彥又韓億傳億子八人綱綜絳繹維縝緯緬是綱等非琦子而億未嘗封于魏不得稱魏公此誤引

十一仙舉韻注史記舉長菱刊本史訛文菱訛英今改蠶韻注食瓜葉黃甲蟲也刊本葉訛乘據爾雅注改扁韻注堵山有木曰天橢方莖而類葵刊本天訛大莖

訛萍葵訛撥並據山海經改

箒韻注素瓊茅以筵箒刊本筵訛筵據楚辭改

十三肴跋韻注脛骨刊本脛訛頸據玉篇改

茅韻注前茅慮無刊本無下衍明字據左傳刪

十四豪獠韻注牛黃白色刊本白訛兒據說文改

十五歌誡韻注誡以溢我刊本溢訛謚今改又案誡今

本詩經作假此從說文

十七麻烏韻注烏秬西域國名刊本域訛城今改

卷五

一陽餽韻注餽餽餽也刊本餽餽訛銀餽據楚辭改
箕韻注笑謂之箕刊本笑訛笑據廣韻改

二堂闔韻注闔闔盛貌刊本複衍盛字據說文刪

滂韻注滂滂沆漑刊本沆訛流據漢書改

黃韻注有乘黃令晉官主乘輿金根車也刊本主訛王
根訛銀據通典改

橫韻注傳黃目一結名縷刊本傳訛傳結縷訛縷草並
據爾雅改

三庚靜韻注犁上木刊本犁訛黎據玉篇改

四清室韻注瓶之室矣案室毛詩作馨與此異
政韻注聽政役以比居刊本聽訛斤據周禮改

藥韻注葛纍藥之案纍毛詩作藟藥作縈並與此異

營韻注漢有京兆營郤刊本兆下衍非字郤訛郤並據
漢書改

六蒸蠅韻注螢螢青蠅案螢毛詩作營
卷六

八尤丘韻注濟北蛇丘或爲河內太守刊本濟訛齊或
訛惑並據通志改

鬃韻注駝車有鬃飾注謂髮漆赤多黑少也刊本駝訛

驍髮訛髮並據周禮改

粵韻注若顛木之有粵案有粵尚書作有由葉

九侯婁韻注後魏獻帝次弟為伊婁氏刊本弟訛第據

魏書改

十一覃南韻注又有南伯子葵刊本葵訛蔡據莊子改

卷七

四旨婉韻注既婉嬗於幽靜刊本嬗訛如據文選改

歸韻注又小山而眾曰歸刊本而訛仰據爾雅改

貉韻注獸名貉也方言北燕朝鮮之間謂之貉刊本貉

訛貉燕訛數據爾雅注改

子韻注魯大夫子服氏刊本脫子字據左傳增

枹韻注末端木也刊本末訛東據說文改

氏韻注氏道地名在廣漢刊本漢訛寒據唐書改

擺韻注擺工倕之指刊本工訛于倕訛捶據莊子改

六語醜韻注衣裳黼黻案醜醜今本詩經作楚楚

八姥鼓韻注靄鼓靈鼓路鼓鼗鼓磬鼓刊本靄訛靄鼗

訛鼓磬訛磬並據周禮改

卷八

二準絹韻注持綱紐也刊本綱紐訛綱繩據說文改

尹韻注內史周官秦因之刊本秦訛康據漢書改

六混傳韻注引詩傳沓背憎刊本背憎訛皆謂今改

七阮偃韻注說文僵也刊本僵訛佃據說文改

苑韻注苑園所以在東方者謂養萬物刊本園訛有萬

訛方今改

纁韻注帛如紺色刊本紺訛維據說文改

鷺韻注雉鳴也刊本鳴訛鳥據廣韻改

十三巧卯韻注十一月丑丑紐也謂終始之際故以結

紐為名也刊本紐並訛組據漢書改

菊韻注鳧葵刊本訛堯蔡據草木疏改

十四皓棗韻注啖以棗脯刊本棗脯訛備棗據史記改

十六果端韻注觀我端頤案端頤今本周易作朶頤

卷九

一養餉韻注周人呼餉食刊本人訛氏據廣韻改

四靜靖韻齊靖郭君之後刊本君訛居據通志改

八有秬韻注漢和帝時任城生黑黍或三四實實二米

刊本任訛在二訛一據爾雅注改

右韻注晉賈華為右行刊本脫賈字據左傳增

九厚耦韻宋卿華耦之後刊本卿訛鄉據左傳改

十二琰韻汪重胤刊本廳訛獻據爾雅改

銛韻注文鋪屬刊本鋪訛鍾據說文改

卷十

二宋韻注齊得濟陰東平刊本濟訛齊據漢書改

五至監韻注居監獸名似蝟而赤毛刊本居監二字互

倒赤訛弄毛訛尾並據山海經改

追韻注以比追胥刊本以比訛只其據周禮改

志韻注詩序在心為志刊本序訛云據詩序改

氏韻注莊子著書十餘萬言刊本十訛氏 又寓言也

刊本寓訛萬並據史記改

憶韻注可為弓幹者刊本為訛意據說文改

類韻注種類相似唯犬為甚从犬類刊本从訛似類訛

類據說文改

六未尉韻注火斗曰尉刊本斗訛止今改

鱣韻注樂遊之山桃水多鱣魚刊本山訛也多訛名據

山海經改

八遇鷓韻注不飛也刊本飛訛非今改

跗韻注古之醫有俞跗刊本有訛又據史記改

十霽蕙韻注有中常侍蕙惲刊本惲訛惲據漢書改

十一祭筮韻注巫咸作筮刊本巫咸訛坐威據廣韻改

十二泰撮韻注會撮頂椎也刊本頂訛貞據莊子注改

十四隊齒韻注滕薛名齒為頰刊本滕訛滕頰訛頰據

儀禮注改

蜚韻珠百枚曰蜚刊本百訛有曰訛自據廣韻改

卷十一

八翰鶡韻注以斯鶡音赤羽去魯侯之咎刊本咎訛名

據說文改

擅韻注專也刊本專訛車據說文改

十六過髮韻注經典作夔刊本夔訛爰據廣韻改

卷十二

一漾相韻注後魏置相州取河直甲居相之義刊本居

相訛取唐據書序改

八宥齎韻注周太王父諸齎刊本太父二字並訛文據

詩經注疏改

九侯寇韻注蘇忿生為武王司寇刊本為訛禹據通志改

軀韻注以脂漬皮刊本漬皮訛清車今改

十四梵劔韻注純鈎刊本鈎訛銅據吳越春秋改 又

燕支刊本支訛交 又蔡愉刊本訛葵偷 又千勝

刊本勝訛隊並據廣雅改 又辟閭刊本閭訛聞據

荀子改 又霄練刊本練訛陳據列子改

卷十三

一屋禿韻注蒼頡出見禿人伏於禾中因以制字刊本

伏訛失據說文改

二沃襮韻注引詩素衣朱襮刊本素衣訛慄不據毛詩

及說文改

三燭束韻注晉有束皙刊本晉上衍左傳二字今刪

四覺駁韻注如馬一角鋸牙刊本牙訛年據廣韻改

濁韻注孔子弟子有顏濁雛刊本顏訛預今改又案雛

史記作雛與此異

鞞韻注攻皮之工刊本脫工字據周禮增

卷十四

一質苙韻注一日薊苙林木鼓動之聲刊本薊訛劉據漢書改

三物黻韻注黻取臣民背惡向善刊本黻訛微據周禮疏改

四迄乞韻注太元十年刊本十訛乞據晉書改

五沒阮韻注石山戴土刊本山訛中據說文改

牖韻注膾牖肥也刊本肥訛牖據廣韻改

八未鵠韻注鷦兮鵠兮逆毛衰兮刊本鷦訛鵠訛鷦

又鷦鷯也刊本鷦鷯二字互倒又脫也字並據韓

詩外傳改增

懸韻注商書曰今汝懸懸案懸今本尚書作聒

豁韻注高祖豁達大度意豁如也刊本豁如二字互倒

據史記改

九鎔鷄韻注鷄鳩寇雉刊本寇訛寇 又鼠脚無後指

刊本指訛脂並據爾雅改

乙韻注徐錯曰此與甲乙之乙相類其形舉首下曲刊

本錯訛錯又形下衍聲字並據說文注改刪

十薛鮪韻注鄞縣有鮪埼亭刊本鄞訛鄭埼訛倚並據漢書改

卷十五

一藥瀉韻注醎瀉用貍刊本貍訛猓據周禮改

二鐸澤韻注楚辭云冬冰兮洛澤刊本辭訛誦冰訛水今訛之洛訛路今並改

郝韻注時有子期封太原郝鄉後因氏焉刊本因訛周據通志改

落韻注有閬中洛下閎刊本閎訛閒據漢書改

三陌蠲韻注天社蟲刊本社訛神據說文改

伯韻注有伯成子高刊本脫伯字據莊子增

鬲韻注磔牲也刊本牲訛姓據周禮注改

四昔借韻注計功則借人也刊本功訛切則訛別並據左傳改

五錫蒟韻注芙蓉中子刊本芙訛美據爾雅改

哲韻注掌覆天鳥之巢刊本天訛數據周禮改

六職鬲韻注以鬲辜祭四方百物刊本脫四字據周禮增

七德得韻注春秋獲器用日得刊本日訛四據左傳改
九合商韻注商周穆王車右刊本右訛名據列子改
十二乏法韻齊襄王法章之後刊本齊上行左傳二字
據後漢書刪 又子孫不敢稱田姓刊本敢訛政又
脫田姓二字並據後漢書改增

中原音韻 元周德清撰

卷上

支思上聲條子紫姊梓刊本姊訛妹據廣韻改

卷下

畧舉釋疑字樣條萬俟高刊本高訛窩據宋史改

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

古今韻會舉要

元黃公紹原編

熊忠舉要

卷二

平聲

四支韻彙注蝻彝犇彝刊本犇訛單據周禮改

詒注孟子以詒後代案今孟子無此文

五微韻醜注芳菲菲兮滿堂刊本脫一菲字據楚辭增

卷三

六魚韻旗注錯革畫鳥其上刊本脫畫字據說文增

七虞韻柝注設壁門之鳳闕刊本闕訛翔據文選改

學注爾雅學翻覆車網也案爾雅無翻網二字

卷四

十一真韻綸注東都賦紛綸后辟刊本東訛西據文選

改

根注甘泉賦日月纔經於袂振刊本甘泉訛西都據文

選改

卷五

十三元韻婉注颺翠旗之寃延刊本旗訛氣據漢書改

卷八

七陽韻昌注唐析資瀘普合置昌州刊本闕瀘字據唐

書地理志補

卷九

十一尤韻鶯注文選魯都賦綠鷁葱鶯案文選無魯都

賦此誤

尤注秦苑藥名刊本秦苑訛東也據廣韻改

卷十

十二侵韻深注水出桂陽南平西入營道刊本脫西字

據說文增

十五咸韻饑注雖食八九無嚙名刊本雖訛不據全唐

詩改

卷十一 上聲

四紙韻靡注燕從風而靡刊本燕訛蕪據漢書改

卷十二

七巽韻數注乃執子南而數之刊本南訛商 又滋而後有數刊本後訛從並據左傳改 又孟子數世之仁案今本孟子無此文

卷十三

九蟹韻夥注楚謂多曰夥刊本多訛之據史記注改

十二吻韻墳注賁沸起也刊本起訛地據穀梁傳注改

卷十四

十七篠韻薦注曲禮苞屨不入公門刊本曲訛周據禮記改

卷十五

二十一馬韻社注人非土不立故封土立社刊本社訛地據白虎通改

卷十六

二十六有韻羨注文選班彪游居賦嗟西伯於牖城案

文選無此賦

二十八感韻倓倓注倓然見管仲之能足以託國也刊本

管訛疑據荀子改

卷十七 去聲

四寘韻貽注猶愕貽而不能階刊本猶訛都能訛敢據

文選改

古音叢目

卷五

七曷韻蔡注周公蔡蔡叔刊本脫一蔡字據左傳增

Blank columns for text on the right page.

古音駢字

明楊慎撰

卷上

一東封隆注豐隆雲師也案唐韻作靈隱雷師又案玉篇豐隆雷師俗加雨並與此異

鞠窮注左傳案窮左傳作窮

卷下

十一震目眈注以目通指曰眈案眈公羊傳作眈

十一陌常岐注常伯說文引書刊本書訛詩今改

十一 爾雅如土黃山為文 凡書汗本青 皆謂合母

十二 爾雅如土以目 爾雅曰 如家 如公 羊 於 於 如

卷一

爾雅如土黃山為文 凡書汗本青 皆謂合母

爾雅如土以目 爾雅曰 如家 如公 羊 於 於 如

爾雅如土黃山為文 凡書汗本青 皆謂合母

卷一

古音駢字續編

武進莊履豐莊鼎鉉仝撰

卷一

五 微 鳴 磯 注 鳴 老 蛟 也 案 玉 篇 鳴 烏 如 雞 赤 足 與 此 異

十 灰 三 賁 注 三 足 賁 三 足 龜 也 案 爾 雅 鼈 三 足 能 龜 三

足 賁 與 此 異

卷二

二 蕭 守 禪 原 本 禪 訛 濯 據 玉 篇 改 又 案 周 禮 作 祧

四 豪 齋 蕙 案 說 文 一 作 齋 齋

卷三

二十句齶齶原本齶訛齶齶訛齶據玉篇改

卷四

十六諫謗姍原本姍訛姍據玉篇改

屈宋古音義

明陳第撰

卷二

離騷閨中旣以遼遠兮刊本脫以字據楚詞增
懷沙懲違改忿兮刊本懲訛徵據楚詞改

卷三

高唐賦朝雲始出狀若何也刊本脫出狀二字據文選
增

高齊御製詩以出林野何處野本以出類二平林支韻

卷三

詩本音 崑山顧炎武撰

卷二

韻法古今考

詩本音 崑山顧炎武撰

卷三

杅杜章注此章以平去通為一韻刊本闕通為一三字

據前後文補

卷七

不盈一旬注疑當別為白字刊本白訛血案唐韻注兩

手捧物曰白與曰別今據改

唐韻正

國朝顧炎武撰

卷一

平聲

一東馮注或以尾翔或以髯凌刊本闕凌字據山海經

郭璞贊補

四江錠注劉氏錠音憲刊本闕劉氏二字據史記索隱

補

卷四

九麻家注北室出狐刊本闕北字又狐訛孤據焦氏易

林補

卷五

十二庚鳴注信陵西反魏刊本陵訛陸據郭茂倩樂府及史記改

卷六

十八尤尤注被譏謗而見尤刊本闕尤字據楚詞補
柔注說文猱从犬柔聲刊本闕猱字據說文補
十九侯樓注通章皆用模韻刊本通訛進今改

卷八

二十八彌癰注史記越世家刊本闕越世二字據史記

補 又浸淫移徙刊本闕移徙二字據釋名補

卷十

四十五厚忝注一命而僂再命而偃刊本僂偃二字互訛據左傳改

卷十三 去聲

四十九宥富注咸之需八年多悔刊本八訛入據易林改

卷十七 入聲

十六屑結注亦繼世而禍結刊本闕世字據賦彙補

十七薛烈注玉少頭陀寺碑文刊本出訛申據姓氏英賢錄及困學紀聞改

傑注岌岌冠繼刊本繼訛縱據文選改

卷十八

二十陌諧注今嗜字又見四十禡部中刊本四十下衍一字據唐韻刪

卷十九

二十三錫酈注公子友帥師敗莒師于酈刊本闕莒師于酈四字據春秋增

欽定四庫全書考證

武英殿聚珍版

卷二十三 史部

史記上

臣朱攸恭校

史記上

漢司馬遷撰

宋裴駰集解

唐司馬貞索

卷一

五帝本紀黃帝紀藝五種集解藝樹也刊本脫集解二字今增 又索隱藝音藝案毛本索隱正文作藝無音藝二字明監本王整本與此同今仍之 又南至于江登熊湘正義熊耳山在商州上洛縣西十里刊本脫上字據唐書地理志增 又其得姓者十四人索隱姬酉祁已滕葳任荀偃姑嬭依是也刊本嬭訛儼據國語改 又青陽降居江水正義安陽故城在

豫州新息縣刊本息訛恩據唐書地理志改 又葬
橋山索隱橋山在上邳陽周縣刊本陽周訛同陽據
漢書地理志改 又正義陽周隋改爲羅川刊本羅
訛罷據隋書地理志改

帝魯高辛集解少昊之前天下之號象其德顓頊以來
天下之號因其名案通鑑音釋引此文天下俱作天
子此與漢書古今人表注同 又自言其名正義自
言其名曰發刊本發訛岌據索隱改

帝堯紀嗣子丹朱開明正義丹水故城在鄧州內鄉縣

西南百三十里丹水故爲縣刊本丹水俱訛丹朱案
漢書地理志丹水縣屬弘農郡無丹朱縣今據改

又謹兜曰正義兜音斗侯反訛本斗訛升今改 又
受終于文祖正義玄矩者黑帝汁光紀之府刊本脫
汁字今增 又爲摯正義六摯孤執皮帛刊本脫孤
執二字 又庶人執鵞刊本鵞訛鹿據國語改 又
放謹兜于崇山正義不畏風雨禽獸刊本脫禽字今
增 又遷三苗于三危正義三危山有三峯故曰三
危刊本脫下三字據地理今釋所引括地志增 又

凡二十八年而崩集解堯葬濟陰丘壠皆小刊本皆
小二字訛作山字據漢書劉向傳改

虞舜紀陶河濱正義何必定陶方得爲陶舜之陶也斯
或一焉刊本第二陶字訛在舜字下據水經注改

又歷山之人皆讓畔正義韓子歷山農相侵畔刊本
山訛云據韓非子改 又謂之八愷索隱史克對季
文子案左傳此係季文子使史克對魯桓公之辭索
隱訛 又天下謂之渾沌正義南海之帝爲儻北海
之帝爲忽刊本脫北海之帝爲五字據莊子增 又

朕畏忌讒說矜僞正義僞音危睡反刊本睡訛腫據
廣韻改

五帝本紀贊顧第弗深考集解第但也史記漢書見此
者非一刊本記訛說今改

卷二

夏本記名曰文命正義禹本汶山郡廣柔縣人也刊本
汶訛汝據華陽國志改 又浮于濟潔索隱濟水出
平原潔陰縣東刊本脫潔字據漢書地理志注增

又淮沂其治索隱沂水出泰山蓋縣艾山刊本艾訛

汶據水經注改 又雲夢土爲治索隱楚子濟江入
于雲中刊本訛作昭王寢于雲中據定公四年左傳
改 又伊維澶澗索隱澶水出河南穀城縣晉亭北
刊本城訛成據毛本改 又汶嶧旣藝正義岷山在
益州溢樂南一里刊本益訛岷樂訛洛據唐書地理
志改 又澧水所同索隱而水經以沮水出北地直
路縣刊本沮訛澧據水經注改 又終南敦物索隱
垂山古文以爲敦物刊本垂訛華據漢書地理志改
又正義終南山一名地肺山刊本肺訛脯據經典
釋文引三秦記改 又浮于積石正義今名小積石
刊本石訛山今改 又砥柱析城正義砥柱山俗名
三門山刊本脫柱字今增 又析城山在澤州陽城
縣西南七十里刊本山訛縣又脫陽城縣三字據元
和郡縣志改增 又至于太華索隱太華卽敦物山
案漢書地理志敦物乃垂山此以太華當之誤 又
過九江集解駟案孔安國曰刊本孔安國訛作國語
據尚書孔傳改 又至于合黎正義一名窮石山刊
本石訛名今改 又道河積石索隱其水停居冬夏

不增減潛行地中南出積石刊本脫居字又潛行地
中四字訛作其字據漢書西域傳改 又南至華陰
集解至華陰山北而東行案尚書孔傳無陰字 又
東至于盟津索隱孟津在河陽刊本陽訛陰據下引
十三州記改 又道沅水正義又南當鞏之北南入
于河刊本北字南字互訛據水經注改 又癸甲生
啓索隱蓋今文尚書脫漏刊本漏訛陋今改 又受
豕韋之後集解豕韋防姓案國語鄭語云彭姓彭祖
豕韋則豕韋實彭姓此引世本作防姓誤

卷三

殷本紀湯歸至于泰卷陶正義坳古銘反刊本坳訛陶
今改 又既葬伊尹于亳正義大霧三日刊本大訛
天據通鑑前編引此文改 又得說于傳險中正義
沙澗水北出虞山東南逕傅巖刊本脫出字東字逕
訛經據水經河水注增改 又王嗣敬民集解民事
無非天所嗣常也刊本訛作無非天時天時所常嗣
也據尚書孔傳改 又子帝太丁立案太丁當依竹
書紀年作文丁 又益收狗馬正義自盤庚徙至紂

之滅二百七十五年刊本訛作七百七十三年據竹
書紀年改 又大聚樂戲于沙丘刊本聚訛最據通
鑑前編引此文改 又九侯正義相州滏陽縣西南
五十里有九侯城刊本滏訛洛據唐書地理志改
又西伯伐飢國滅之集解飢一作叭案通鑑前編引
此叭作阮 又衣其寶玉正義逸周書云刊本脫逸
字案此所引汲冢周書世俘解今據增

卷四

周本紀周后稷名棄正義右扶風美陽縣岐山在西北
中水鄉刊本脫美陽二字在及字據漢書地理志增
又封棄於郃正義故虢城一名武功城在雍州縣
西南二十二里案縣上脫武功二字 又后稷卒集
解山海經大荒經曰黑水青水之間有廣都之野考
山海經此係海內經文黑水青水作西南黑水與此
異 又國於豳正義豳州新平縣卽漢漆縣刊本漆
下衍沮字據漢書地理志刪 又太姜生少子季歷
集解太姜有呂氏女刊本呂訛郃據列女傳改 又
伯夷叔齊在孤竹正義殷時諸侯孤竹國也刊本脫



孤字據伯夷列傳正義增 又姓墨胎氏刊本脫胎
字據伯夷列傳索隱增 又於是虞芮之人正義括
地志云又閔原在河北縣西六十五里案又字應在
括地志上 又封尚父於營丘集解水出其前而左
曰營丘案爾雅作水出其左營丘無前而二字 又
封召公奭於燕正義城內西北隅有薊丘刊本城內
訛薊則據水經注改 又燕山在薊州漁陽縣東南
刊本脫在字今增 又封弟叔鮮於管正義周武王
弟叔鮮所封刊本脫鮮字今增 又我南望三塗案
隱三塗在陸渾縣南刊本渾訛澤脫縣字據昭公四
年左傳注增 又正義東北接碣石西北接嶽山刊
本脫西北二字考地理增 又恒山在洛東北刊本
脫恒字考地理增 又祭公謀父諫曰正義故祭城
在鄭州管城縣東北十五里刊本祭訛蔡據史正文
及元和郡縣志改 又黥辟疑赦索隱錄亦六兩刊
本銜訛鏘下句同據周禮注改 又王御不參一族
集解御婦官也刊本婦訛妻據國語注改 又宣王
既亡南國之師集解南國江漢之間刊本間訛門據

國語注改 又楚莊王伐陸渾之戎正義允姓之戎
居陸渾在秦晉西北刊本脫晉字據僖公二十二年
左傳注增 又北取趙藺離石者集解西河郡有藺
離石二縣刊本脫郡字藺字上衍趙字據漢書地理
志增刪 又因以應爲太后養地集解今潁川父城
縣應鄉是也刊本父城二字互倒據漢書地理志改

卷五

秦本紀駮耳之駟索隱駮駮耳山子刊本駮訛駮據
穆天子傳改 又爲西垂大夫正義漢隴西西縣是

也刊本下西字訛郡據封禪書正義引括地志改
又初爲鄜時索隱秦文公夢黃蛇自天下屬地其口
止于鄜衍刊本天字下衍而字屬字下衍之字脫其
口二字據封禪書刪增 又古之人謀黃髮番番案
人謀秦誓作謀人疑此誤例 又子共公立索隱名
猥案春秋共公名稻年表名和此疑誤 又子哀公
立索隱始皇本紀作畢公刊本畢訛理據始皇本紀
改 又作爲咸陽正義卽秦公徙都之者案秦下應
脫孝字 又齊敗魏馬陵正義澗谷深峻刊本脫峻

字據通鑑周顯王二十九年集覽引此文增 又號
商君正義商今商洛縣在商州東九十里刊本今訛
州在字下脫商字九十訛八十九據通鑑周顯王二
十九年集覽引此文刪改 又樗里疾攻魏焦刊本
樗訛樗據魏世家六國表及樗里疾傳改 又九鼎
入秦正義秦昭王取九鼎其一飛入泗水刊本其訛
然今改 又蒙驁攻魏高都汲正義蘇忿生十二邑
紆其一也刊本十字上行七字據左傳刪

卷六

秦始皇本紀五年燕虛長平索隱三邑名刊本三訛二
據毛本改

八年河魚大上索隱劉向所謂魚蟲之孽刊本魚訛豕
據漢書五行志改

九年車裂以徇正義取太后遷之咸陽宮案通鑑作秦
王政九年遷太后於雍蕢陽後乃迎太后歸咸陽此
咸字疑蕢字之訛

十四年取宜安正義宜安故城在常山藁城縣西南二
十五里刊本山訛州據通鑑集覽引括地志改

十七年內史騰攻韓案六國表騰作勝

二十七年出雞頭山正義原刊平高縣西百里刊本脫

平字據唐書地理志增 又過回中焉正義回中宮

在岐州雍縣西四十里刊本岐州雍縣四字訛作雍

州二字據通鑑集覽引括地志增改

二十八年由武關歸正義少習商縣武關也刊本脫少

字據左傳注增

三十四年黥為城曰集解城曰四歲刑刊本刑訛也據

通鑑集覽引如淳說改

三十七年渡海渚正義舒州同安縣刊本同訛周據唐

書地理志改 又臨浙江集解晉灼曰其流東至會

稽山陰而西折故稱浙音折刊本訛作江水至會稽

山陰為浙江音折據漢書注增改 又自琅邪北至

榮成山正義即成山也刊本脫成字今增

附論仁不代毋秦直其位索隱秦值其閏位得在木火

之間也刊本脫火字今增

卷七

項羽本紀下相人也正義相故城在泗州宿豫縣西北

七十里刊本宿豫訛宣預據唐書地理志改 又渡
浙江索隱莊子所謂淞河刊本淞訛制下同據毛本
改 又軍彭城東正義彭城古彭祖國也刊本彭祖
二字訛相字說楚世家正義引括地志改 又行至
安陽索隱隋改已氏爲楚丘刊本脫隋字據毛本增
又日夜引兵渡三戶索隱王浚伐鄴刊本浚訛俊
據毛本及晉書改 又洹水南殷虛上索隱盤庚遷
於北冢曰殷虛刊本北冢訛此汲冢三字據竹書紀
年改 又紀信乘黃屋車備左纛集解李斐曰刊本
斐訛裴 又在乘輿車衡左方上注之刊本注訛柱
據漢書顏師古注改 又乃封侯公爲平國君正義
能和平邗國刊本邗訛郡據漢書顏師古注改 又
舉九江兵正義應劭云自廬江尋陽分爲九江刊本
九訛北據漢書地理志九江郡注改 又於是項王
乃欲東渡烏江正義注水經云水又北案此七字疑
羨文考通鑑集覽括地志云云至左傳黃津口一段
中間無此七字以旣經後考證摘出姑仍其舊但刊
本津訛律今據左傳改 又馬童面之集解以故人

故難親斫之刊本親訛視據漢書注改 又吾聞漢
購我頭千金正義漢以一斤金爲一金刊本一金訛
千金據漢書食貨志改 又封楊武爲吳防侯正義
楚封於此爲堂谿氏刊本堂訛唐據吳楚世家及正
義改

卷八

高祖本紀高祖集解故特起名焉刊本焉訛馬今改
又隆準而龍顏集解李斐曰準鼻也刊本李斐訛文
穎案漢書注載此作李斐語下別有文穎語今據改

又高祖爲亭長時集解使得帶印綬刊本綬訛絨
據漢書注改 又項羽爲人僇悍猾賊索隱方言云
刊本方言云作一云 又劉音匹妙反刊本脫劉字
又猾賊漢書作禍賊也刊本脫猾賊二字據毛本

增

漢元年秦王子嬰封皇帝璽符節正義青囊白素裏刊
本訛作青布索白素據續漢書輿服志注及通典引
漢舊儀改又續漢志注通典所載六璽之用與此互
異俱未詳備姑存之 又傷人及盜抵罪集解李斐

曰傷人有曲直云云案漢書注載此文作李奇語
又實不用其命正月正義今此正月當時謂之四月
也刊本時訛是據漢書顏師古注改

四年虜中吾指索隱或云中胃而捫足刊本脫中字據
毛本索隱增

六年帶河山之險縣隔千里集解與諸侯相懸隔絕千
里也刊本隔下衍地字未脫也字據漢書應劭注刪
增

八年蕭丞相營作未央宮正義公車司馬亦在北焉刊

本脫馬字據漢書顏師古注增

九年起爲太上皇壽曰始大人常以臣無賴集解江淮
之間謂小兒多詐狡猾爲無賴刊本淮訛湖據漢書
顏師古注改

呂后本紀子朝爲軹侯正義故軹城在懷州濟源縣東
南刊本濟源訛終原據秦本紀正義改 又迺奉天
子法駕集解法駕上所乘金根車刊本脫所字 又
有五時副車皆駕四馬刊本脫皆字據蔡邕獨斷增

卷十

孝文本紀夏啟以光集解至啟始傳父爵刊本至訛王
據漢書注改 又大將軍陳武案漢書作大將軍臣
武服虔曰柴武也此陳字似係臣字之訛 又臣謹
請與陰安侯集解美頡侯信母丘媿也刊本信訛終
今改

元年古之有天下者莫長焉刊本莫下衍不字據索隱
刪

二年句以告朕刊本句訛白據漢書及古文淵鑿改
又故憫然念外人之有非索隱憫音下板反刊本板
訛故據漢書顏師古注改

六年羣臣請處王蜀嚴道邛都正義邛都縣本邛都國
刊本脫下邛字 又本秦嚴道地刊本脫道字今並
增

十七年故楚相蘇意為將軍軍句注集解山險名也在
雁門陰館刊本脫在字據漢書應劭注增 又母車
及兵器集解服虔曰不施輕車介士也刊本脫服虔
曰三字據漢書注增 又奏武德文始五行之舞集
解五行舞冠冕衣服法五行色刊本脫衣字據漢書

顏師古注增

卷十一

孝景本紀三年膠西王卬正義故平昌侯刊本脫平字
據年表增 又齊王將廬索隱將廬悼惠王孫刊本
脫將字 又廬漢書作閭刊本脫廬字並據毛本增
中三年匈奴王率其徒來降正義容城侯徐廬易侯僕
黜刊本廬訛慮黜訛日據年表改

中五年封十侯正義亞谷侯廬佗之隆慮侯陳蟠刊本
谷訛王隆慮訛龍慮又陳下衍留字並據年表刪改
後元年更命中大夫令爲衛尉刊本脫令字注同並據
漢書百官公卿表增

卷十一

孝武本紀泰一佐曰五帝正義春秋緯云刊本春秋緯
作國語注案此所引蒼帝靈威仰云云係春秋緯文
耀鉤文見周禮春官疏內國語注無之今改 又黃
帝名神斗刊本斗訛協據五帝本紀正義及周禮注
疏改 又游水發根集解游水水名在臨淮淮浦也
刊本脫一淮字據地理志增 又神君最貴者太乙

刊本太乙訛大夫據封禪書及漢書郊祀志改 又
宋之社亡正義覆上棧下使不通天地之氣刊本脫
不字今增 又其下四方地爲餽食索隱餽祭酹也
刊本酹訛酌據說文改 又若云欲見天子刊本脫
欲字據封禪書增 又而以雞卜集解持雞骨卜刊
本骨訛用據下正義及漢書注改

卷十三

三代世表序余讀謀案謀字絕句觀索隱訓謀爲系諡
之書甚明各本移下句記字于索隱之上連此句讀

失其解今據毛本改

帝顓頊格起黃帝至顓頊三世號爲高陽刊本脫號高
陽三字據本表例增

帝侖第三格蟠極生高辛爲帝侖各本訛作蟠極生高
辛高辛生帝侖 又索隱黃帝曾孫諸本曾訛作玄
並據本表世次改

衛表康叔封刊本脫封字今增 又考伯刊本考訛孝
據毛本及世家改

陳表幽公刊本幽公後衍釐公二字據陳世家及十二

諸侯年表刪

楚表熊渠刊本熊渠後衍熊無康三字案楚世家熊渠長子毋康蚤死未立今據刪

卷十四

十二諸侯年表魯表真公濞刊本濞訛渾今改 又索

隱鄒誕本作慎公嚙刊本嚙訛單據毛本改 又莊

公三十二年莊公弟叔牙鳩死子般案左傳叔牙為

季友所鳩共仲使圉人犖賊子般于黨氏非叔牙鳩

死子般也此有脫訛 又宣公倭刊本倭訛倭據左

傳改

秦表莊公其元年刊本脫其字據索隱增 又祠白帝

刊本白訛日今改

鄭表莊公三十三年以璧如魯刊本如訛加今改 又

昭公忽元年刊本脫忽字據前例增

蔡表桓侯十三年刊本三訛四今改

楚表武王五十一年王伐隨告夫人心動刊本脫告字

據左傳增

蔡表蔡穆侯胙元年刊本胙訛盼據春秋改

宋表襄公十三年索隱公傷股刊本脫公字今增

卷十五

六國表序踵春秋之後起周元王索隱春秋傳迄元王八年刊本左傳字據左傳增

秦表始皇四年七月蝗蔽天天下疫刊本脫一天字疫字又太后入咸陽大索逐客刊本脫逐客二字並據本紀增

魏表文侯十八年受經子夏案世家在周安王二年通鑑在威烈王二十三年此作十九年三處互異

韓表昭侯十年韓姬弒其君悼公索隱姬一作跽同音怡刊本跽訛跽據明監本及索隱改

趙表簡子四十三年索隱定公三十七年卒刊本三訛四據晉世家改 又曰十八年衛莊公飲大夫褚師比不解履刊本脫褚師比三字據春秋傳增

齊表平公十七年中行文子謂田常乃今知所以亡刊本脫所字據左傳增

卷十六

秦楚之際月表趙表趙王歇十一年章邯破都鄆刊本

並據毛本索隱改入一月第二格又索隱一月作正月無義帝元年四字與此異

二月第三格都彭城案此三字各本誤入二格其三格內有都江都三字考十八王無都江都者今刪改

卷十七

漢興以來諸侯年表序太原以東至遼陽集解遼東遼

陽縣刊本脫陽字據漢書地理志增

梁表都睢陽刊本睢訛淮據梁孝王世家徐廣注及漢書文三王傳改

代表初王喜四年匈奴攻代王棄其國案高祖紀七年十二月辛卯立子如意為代王九年正月徙如意王趙則代表八九二年當繫之如意不得為喜三年四年也又脫如意二字今改 又正月丙子初王恒元年刊本正訛二案高祖紀立恒在是年春信反之前漢書在正月信反之後其下有詔書冠以二月則初封實在正月漢表亦云正月丙子今據改

齊表孝文前元年六格初置城陽國刊本城訛成國訛郡據齊悼惠王世家及漢書地理志改 又十五年

十格分爲膠西都宛檢齊悼惠王世家正義引此表
作都高宛考地理郡國志宛屬南陽郡高宛前漢屬
千乘郡後漢屬樂安郡俱與膠西無涉又考地理志
高密國云故齊文十六年別爲膠西國治高密則宛
字當作高密訛密爲宛又脫高字耳徐廣注樂安有
宛縣蓋廣所見本已作高宛故以樂安高宛當之而
後人又誤刪高字舛謬極矣 又頃王遺元年索隱
濟南王辟光之子檢毛本平作孫考齊悼惠王世家
及漢書表傳頃王遺靖王建之子懿王志之孫此及
毛本索隱俱誤 又荒王順元年刊本順訛賀據齊
悼惠王世家及漢書年表高五王傳改

卷十八

高祖功臣侯年表序百年之間見侯五正義陽阿侯齊
仁刊本阿訛河據校宋本改後表並改

孝景格下後元二年案景帝紀中二年後二年以下不
加元字漢表亦無元字此訛衍

汝陰侯第二格致孝惠魯元刊本致訛至案此字漢書
表作全今據本書夏侯嬰傳致孝惠魯元于豐句改

陽夏侯第三格自立為燕王刊本脫王字據陳豨傳及

漢書表增

南安侯第二格索隱亞將漢表作重將刊本重訛連毛

本同據漢書顏師古注改

東茅侯第二格補韓王信為將軍刊本脫王字據漢書表增

陽阿侯第三格索隱漢表云齊侯其石刊本脫索隱二字據毛本增 又八格元鼎四年恭侯章元年元封

元年埤山侯仁元年據索隱及漢書表稱章改封埤

山則埤山二字當冠恭侯章上不當在侯仁上此誤

滎陽侯第三格索隱五侯斬項羽皆謚壯漢表以為壯

避諱皆改作嚴刊本壯訛莊脫為壯二字據毛本及

項羽本紀集解改增

平棘侯第六格有罪為鬼薪刊本脫為字據漢表增

栢侯至第二格漢表師古曰二馬曰駢駢鄰謂駢兩騎

為軍翼也刊本脫一駢字據漢書注增

拘侯第二格從曹咎軍案漢書表從下有破字此脫

橐侯刊本橐訛橐索隱同蓋因漢書作橐師古音公老

反而誤案地理志山陽郡橐臣瓚音拓水經泗水注亦作橐今據改

清侯第三格簡侯空中同元年刊本脫同字據毛本索隱及漢書表水經注增

繁侯第一格索隱恐別有繁縣志闕案地理志繁縣屬蜀郡索隱蓋未之考也

離侯第三格索隱光祿大夫滑堪刊本滑訛潛據毛本及漢書表改

長修侯第八格元封三年刊本三訛四據本表侯相夫

嗣位年數及漢書表改

土軍侯第一格索隱西河有土軍縣刊本西訛兩據毛本及地理志改

汲侯第一格索隱漢表作伋伋與汲並縣名屬河內案地理志河內有汲縣無伋縣又今漢表亦作汲非伋字考地理志河內郡有汲縣水經濟水注云汲縣故城漢高帝六年封公上不害為侯國據此則漢表及索隱俱當作波傳寫誤耳

衍侯第三格簡侯翟盱索隱盱音況于反刊本盱訛盱

于訛干據毛本及漢書表改
陽義侯第一格索隱縣屬丹陽刊本丹訛宜案宜陽縣
名非郡名據毛本改

戚侯第一格索隱漢志闕案地理志東海郡有戚縣郡
國志亦同索隱蓋未之考

壯侯第八格元光五年侯廣宗元年案漢表是年節侯
周嗣又元朔二年侯廣宗嗣此無節侯周一世疑脫
廿泉侯第三格以都尉從軍侯案漢表侯下有五百戶
三字此脫 又三格壯侯王竟元年刊本脫壯字據

毛本索隱增

卷十九

惠景間諸侯年表郊侯第一格索隱一作交刊本交訛
汶據毛本改

靖郭侯刊本靖郭訛清都據毛本索隱改

周陽侯索隱縣名屬上郡後周陽注同案漢書地理志
上郡縣名陽周不名周陽此及索隱並誤

樊侯索隱縣名屬東平刊本平訛牟據毛本及漢書地
理志改

斥丘侯刊本斥訛瓜據毛本索隱及漢書地理志改
南郎侯索隱河內有郎亭音頰刊本頰訛頰據毛本改
江陽侯索隱縣名在東海案漢書地理志江陽屬犍爲
郡此云東海誤
索隱述贊本枝分蔭肺腑歸誠刊本肺訛外又咸開青
社俱受丹旌刊本旌訛青又吳芮有聲刊本芮訛便
並據索隱改

卷二十

建元以來侯者年表平津侯第三格三年侯度元年刊

本度訛慶七格同據毛本索隱及漢書外戚侯表改
安樂侯刊本安樂訛樂安據毛本索隱及漢書功臣表

改

龍頡侯索隱崔浩音洛刊本洛下行屬齊二字又今河
間有龍頡村刊本間訛關頡下行雀字並據毛本刪

改

從驃侯第二格以匈河將軍案漢書功臣表作以匈奴
河將軍 又六格侯破奴坐耐金國除刊本脫破字
今增

燁渠侯索隱僕多所封則作燁渠刊本僕訛侯又則一
邑分封二人也刊本脫一字又五格三年七月壬午
刊本午訛年並據毛本增改

褚氏補表陽平侯蔡義案漢書外戚表作陽平節侯王
義

索隱述贊南討甌越刊本甌訛閩又長平鞠旅刊本旅
訛旋並據毛本改

卷二十一

建元以來王子侯者年表廣望侯刊本廣望訛望廣據

毛本索隱及漢書地理志改

蓋胥侯索隱漢志在泰山案漢書地理志泰山郡蓋下
無胥字

臯狼侯第四格劉遷元年刊本遷訛選據毛本索隱改
廣陵侯第四格虜侯劉表元年刊本虜訛常據毛本索
隱改

被陽侯刊本被訛披據漢書王子侯表及地理志改
定侯第四格索隱漢表作敷侯刊本敷訛敷下同據毛
本及說文改

牟平侯第四格恭侯劉濞元年刊本濞訛璣下同據毛本索隱及漢書王子侯表改

洮陽侯第四格索隱漢表名狩燕刊本狩訛將據漢書王子侯表改

昌侯第五格劉羌元年刊本羌訛差下同據毛本索隱改

零段侯刊本段訛殷據漢書地理志改
文城侯集解一作六城刊本文訛父六下脫城字據毛本索隱及漢書地理志改增

彭侯第五格劉疆元年刊本疆訛偃六格同據毛本索隱及漢書王子侯表改

枸侯索隱表作枸音俱枸在扶風與枸別也刊本枸字枸字互訛又五格劉賢元年刊本賢訛買六格同並

據毛本及漢書王子侯表地理志改

臯虞侯第六格元年五月丙午侯劉建元年案自此至未考漢書王子侯表俱係元封年分所封應在七格

此在六格元鼎年分誤

卷二十二



漢興以來將相名臣年表孝惠五年第二格八月己丑
參卒刊本已訛乙據漢書惠帝紀改

孝文二年第二格揖為梁王刊本揖訛勝據漢書文帝
紀改

孝景二年第二格闕為臨江王餘為淮陽王刊本闕訛
閔陽訛南據漢書景帝紀王子侯表改

元朔四年第二格匈奴入寇定襄代上郡刊本脫定字
今增

五鳳二年第三格四月己丑刊本四訛五據漢書宣帝
紀百官公卿表改

甘露元年第三格三月丁巳刊本已訛未據漢書百官
公卿表改

索隱述贊陳平作相刊本陳平訛平津據毛本改

卷二十三

禮書篇目正義君臣朝廷尊卑貴賤有序刊本廷訛儀
據史正文改

側載臭茵所以養鼻也索隱側特也刊本特訛持下同
據毛本及儀禮鄭注改又汝穎以為險正義東至

下蔡入淮也刊本沿監本也誤作地後考證亦誤今
並改 又大饗尚立尊而俎腥魚刊本脫而字俎下
衍上字據禮記樂記及荀子禮論篇增刪 又三侑
之弗食也刊本侑訛宥注同據毛本索隱及荀子楊
倛注改 又故至備情文俱盡互義言情文俱盡乃
是禮之至備也刊本乃訛言據荀子注改 又君子
審禮則不可欺以詐僞正義錯規矩方員下闕一字
各本俱無可考 又審禮詐僞自消滅矣刊本脫審
禮詐僞四字據王鏊本增

卷二十四

樂書篇目正義今樂記惟有十一篇刊本惟訛雖今改
於樂府習常肄舊而已刊本肄訛隸正義同今並改
又其怒心感者其聲麤以厲正義怒在心心隨怒而
發揚刊本在訛隨今改 又聲音之道與政通矣集
解言以八音和否隨政也案以字衍禮記注無之
又一倡而三歎正義此先王之道不極音聲刊本先
訛文據禮記集說改 又樂者爲同正義夫樂使率
土合和是爲同也刊本脫爲字據正文及下注增

又王者功成作樂治定制禮正義三明天應禮樂也
 案下文化不時則不生節正義作天地應禮樂此脫
 地字 又昔者舜作五絃之琴以歌南風正義孝子
 歌之言得父母生長如萬物得南風也刊本歌之言
 三字訛作之歌也據禮記疏改 又其舞行及遠刊
 本及作級下同據上文綴兆舒疾句索隱改 又大
 章章之也刊本大訛泰據正義改 又禮樂見天地
 之情正義是見地之情也刊本脫之字據下文增
 又區胡達正義菽豆之屬案句上當有曲出日區四

字此脫 又是故德成而上正義上堂上也刊本脫
 下上字據下文正義增 又奮末廣賁之音作集解
 廣賁廣大也刊本大下行之字今刪 又凡姦聲感
 人而逆氣應之正義皆有本非可假偽案依下文德
 者性之端也正義此皆字上當有三明邪正四字
 又耳目聰明正義不視聽姦亂故視聽聰明刊本聽
 字聰字訛倒今改 又聽者性之端也正義明邪正
 有本皆不可偽也刊本不可偽也訛可為也據上文
 凡姦聲感人正義改 又復亂以飭歸集解謂鳴鏡



而退明以整歸德也案禮記鄭注無德字此衍 又
封帝堯之後於祝正義平原郡祝阿縣也刊本郡訛
卽今改

卷二十五

律書壹稟於六律索隱終於南事而六十律畢刊本事
訛呂據續漢志改 又律中姑洗正義姑者故也案
姑洗作沽應是仍白虎通之舊但白虎通禮樂篇釋
六律一段已佚無可考今仍之 又辰者言萬物之
振也索隱振美于辰刊本美訛羨據漢志改 又上

九商八羽七角六宮五徵九案文獻通考云此十二
字恐傳寫之誤當作宮九徵六商八羽五角七共十
字 又神生於無形正義無形爲太虛氣刊本虛訛
陽據下文改

卷二十六

歷書察度驗定清濁索隱續漢書以爲道之發斂景之
長短刊本道下行義字景下行人字並據續漢志刪
又其更以七年爲太初元年索隱四千六百一十
七歲刊本四下行年字據漢書志增

橫艾淹茂太始元年索隱爾雅作立默本刊默訛默據

爾雅改

徒維執徐三年案此下有閏十三三字刊本脫據監本

增

祝犁大荒落四年案此下有十二二字刊本脫今增

卷二十七

天官書中宮旁三星三公正義占以徙為不吉刊本徙

訛從據宋史天文志及文獻通考改 又前列直斗

口三星索隱直當也又音值刊本值訛直據毛本改

又後六星絕漢抵營室正義營室七星案星經營

室止二星此七字訛 又魁海岱以東北也正義海

岱代郡也案代郡與海岱絕遠此代字誤

南宮朱鳥正義柳八星為朱鳥味刊本味改味今改

又匡衛十二星正義上相兩星間名曰東華門刊本

相訛將據上序星次改 又右執法上將間名曰右

掖門刊本將訛相今改 又曰即位正義占欲其大

小均耀光潤有常吉也刊本常訛之據星經改 又

廷藩西有隋星五曰少微正義少微四星在太微西

南北列刊本微下脫西字據星經改 又兩河天關
間爲關梁正義闕丘二星在南河東天子之雙闕刊
本南河二字互倒又脫東字據星經及本書上文改
增

西宮昴畢間爲天街集解陰西南象坤維刊本南下脫
象字又三星直者是爲衡石集解白虎宿中東西直
似稱衡刊本中下脫東字又主葆旅事集解晉灼曰
葆采刊本采訛菜又禾野生曰旅刊本禾訛也並據
漢書天文志注增改

北宮婺女索隱爾雅云須女謂之婺女案爾雅無此文
考星經云須女四星亦曰婺女此爾雅當作星經
填星其一名曰地侯正義以填主土故也刊本土上行
木字今刪

太白正義晨出東方二百四十日而入入四十日又出
西方刊本脫入四十日四字據漢書天文志增 又
日方南金居其南正義影短于土圭謂之日南是地
于日爲近南也刊本日南下衍是也二字據周禮大
司徒注刪 又金謂太白也刊本金訛會據漢書注

改 又圖以靜刊本圖訛國據宋本改
月行中道條六月者一而五月者凡五百一十三月而
復始案依索隱說當作而五月者五凡百一十三月
而復始此五字凡字誤倒

星者金之散氣本曰火案漢書火作人孟康曰人與星
氣相應也此火字誤

格澤星其見也不種而獲不有土功必有大客刊本客
訛害據漢書天文志改

蕭索輪困是謂卿雲刊本輪訛綸據宋本改 又表霜

電蝦虹刊本夫訛天據漢書天文志改

候歲或從正月日比數雨刊本雨訛兩據漢書天文志
及本注改 又率日食一升集解孟康曰正月一日
兩民有一升之食刊本脫正字據漢書天文志注增

卷二十八

封禪書篇目正義或曰封者金泥銀繩或曰石泥金繩
刊本脫上泥字石訛古據白虎通增改

西岳華山也正義古文以爲敦物案華山非敦物此據
地志沿水經注之訛 又巫咸之興自此始索隱今

此云巫咸之與白此始刊本興字下行多字據本書
刪 又其口止於鄜衍索隱三輔謂山阪間爲衍也
刊本阪訛陵據漢書改 又而雍旁故有吳陽武時
集解于旁有吳陽地也刊本脫地字據漢書李奇注
增 又禪云云索隱云云山在蒙陰縣刊本陰訛陽
據毛本及漢書郊祀志改 又正義云云山在兗州
博城縣西南三十里刊本城訛野據唐書地理志改
又作畦時櫟陽索隱時中各有一土封故云畦時
刊本一訛二今改 又以天齊也集解當天中央齊

刊本央訛中據漢書郊祀志改 又水曰河祠臨晉
正義河伯姓呂名公子刊本呂下脫名字據王鑿本
增 又鳴澤正義遊縣在易州涑水縣北一里刊本
涑訛漆據唐書地理志改 又而雍有日月參辰索
隱漢書舊儀云案書字衍 又杜主故周之右將軍
索隱後宣王田于圃田刊本圃下脫田字據漢書郊
祀志注增 又高祖詔郡國立靈星祠正義右角爲
天庭刊本天訛大今改 又西方神明之墓也集解
謂濛谷也刊本濛訛北據郊祀志注改 又五帝廟

南臨渭北穿蒲池溝水正義蒲字或作滿言其水刊
本滿訛蘭據漢書注改 又黃鍾集解黃縣鍾縣皆
在東萊案本書孝武紀集解作黃鍾人姓名與此互
異 又其下四方地爲醜食羣神從者及北斗云刊
本神訛臣據孝武本紀及郊祀志改

卷二十九

河渠書乃廝二渠以引其河索隱廝漢書作醜刊本醜
訛灑據毛本及漢書溝洫志改 又三江五湖索隱
具區洸潏刊本洸訛兆今改 又自中山西邸瓠口
爲渠索隱田于何所刊本何訛河據漢書溝洫志改
又中山一名仲山刊本中下脫山字今增 又漑
皮氏汾陰正義自秦漢魏晉皮氏縣皆治此刊本此
訛也今改 又湯問其事刊本湯訛阿據漢書溝洫
志改 又是時東流郡燒草案東流郡漢書溝洫志
作東郡此流字衍 又舉長菱兮沈美玉集解一曰
菱竿也刊本竿訛芋今改 又所以引致土石者也
刊本土訛上據漢書志注改

太史公贊集解徐廣曰案此注與本文全不比附乃他

處錯簡在此

卷三十

平準書散幣於邛夔以集之索隱臨邛屬蜀刊本蜀訛
夔據漢書地理志改 又東至滄海之郡案至漢書
食貨志作置此訛 又二日以重差小刊本脫以字
據索隱增 又官與牢益索隱牢價直也今世人言
雇手牢刊本牢下衍益字據漢書志注刪 又鈇左
趾索隱張斐漢晉律序刊本斐訛裴據毛本改
索隱述贊引羊心計刊本計訛討今改

卷三十一

吳太伯世家楚之亡大夫申公巫臣索隱馬陵之會吳
入州來刊本馬訛鄢據左傳改 又見舞韶護者案
左傳及他書護皆作獲 又楚公子圍索隱楚子麋
卒刊本麋訛麋據春秋改 又公子光伐楚索隱鍾
離屬九江刊本九江訛江南據漢書地理志改 又
王夫差元年索隱太伯至壽夢十九代諸樊已下六
王嚙二十五代刊本代訛年據毛本改 又趙鞅將
伐吳索隱左氏魯襄公之代刊本代訛伐今改

卷三十二

齊太公世家子莊公購立索隱年表及系本並作贖刊
本年表訛世家據毛本改 又伐滅邾索隱蓋亦不
當作譚字也刊本譚訛邾據毛本改 又齊率諸侯
城楚丘索隱楚丘濟陰城武縣南刊本脫濟陰二字
城武互倒據毛本增改 又楚莊王彊秦本書年表
疆作侶與此異 又崔宗邑集解濟南東朝陽縣西
北有崔氏城刊本南訛陽據左傳注改 又監止有
寵焉刊本監作闕據毛本索隱及田完世家改 又

成子兄弟四乘如公索隱昭子是桓子之子刊本桓
子訛桓公今改

卷三十三

魯周公世家是為魯公索隱凡將邢茅胙祭也刊本凡
訛樊據左傳改 又季氏亡則魯不昌刊本氏訛文
今改

卷三十四

燕召公世家召公奭索隱周宣王時召穆公虎刊本穆
訛康今改 又莊公十二年齊桓公始霸索隱二十

年齊伐山戎傳云執燕仲父考春秋莊公二十年左
傳鄭伯和王室不克執燕仲父是年經書齊人伐戎
左氏無傳二事絕不相比索隱訛合爲一 又桓公
十六年卒索隱譙周云系本襄伯生宣伯無桓公刊
本系本訛系家又桓下脫公字今改增

卷三十五

管蔡世家次曰成叔武正義括地志云在濮州雷澤縣
東南九十一里刊本在字訛在縣字下今移正 又
封叔武於成索隱後漢郡國志以爲成本國刊本郡

國訛地理今改

卷二十七

衛康公世家因殺州吁于濮索隱東北至離狐分爲二
刊本狐訛孤據漢地理志及水經注改 又濮水受
沛水刊本沛訛沛今改

卷三十八

宋微子世家及祖伊以西伯昌之修德滅阮國刊本脫
國字下句懼字上行阮國二字據毛本索隱增刪
又王道平平集解言辨治也刊本辨訛下據尚書孔

傳改 又是爲微仲索隱雖爲宋公猶稱微刊本脫
稱字據家語增 又因大夫華元爲右師正義公子
鮑因華元請得爲右師刊本鮑因二字訛移在華元
下與左傳異今改 又四年春鄭受命于楚伐宋刊
本脫受字于字據左傳增

太史公贊殷有三仁焉集解微子仁之窮也刊本仁訛
仕今改

卷三十九

晉世家使人迎公子重耳於翟正義使屠岸夷告公子

重耳於翟曰刊本夷告訛迎夷吾據國語改 又十
一年齊伐魯取隆索隱地理志云在東宛縣東考漢
地理志無東宛縣惟琅邪有東莞注孟康曰故鄆邑
今鄆亭是也此所引蓋以孟注誤作志文而莞又訛
宛

卷四十

楚世家四曰會人集解會人者鄆是也刊本鄆訛鄭又
索隱四曰求言是爲會人刊本會訛鄆今並改 又
邲姓所出鄆國也刊本邲訛姬據國語改 又楚武

王集解得銅鼎而銘曰刊本銘訛名據郡國志注引
皇覽改 又是歲滅庸正義今房州竹山縣是也刊
本今字訛在縣字下山訛邑據唐書地理志改 又
伐陸渾戎集解允姓之戎徙居陸渾刊本允訛尹據
左傳改 又楚國折鉤之喙正義喙許衛反刊本此
段訛在上無阻九鼎下今移正 又潘尫入盟案尫
左傳作尫 又圍宋五月案呂氏春秋云莊王圍宋
九月左傳杜氏注云在宋積九月此作五月誤 又
靈王曰用桓公集解用會召陵之禮也刊本禮訛意

據左傳注改 又將欲入鄢正義鄢水原出襄州義
清縣西界託仗山刊本清訛青據唐書地理志改
又三晉來伐楚正義年表云三晉公子伐我至乘丘
案年表作三晉來伐我至桑丘此公子二字乘字俱
訛 又以河山爲塞正義河蒲州西黃河也刊本州
訛河今改

索隱述贊文旣伐申刊本伐訛代今改

卷四十一

越王勾踐世家子教寡人伐吳七術正義遺敵粟藁以

空其邦案遺敵越絕書作貴糴此誤 又則葉陽翟
危正義河南陽翟縣也刊本河下脫南字據呂不韋
傳注及唐書地理志增 又則陳上蔡不安正義上
蔡今豫州上蔡縣也刊本縣上行邑字今刪 又不
足以備秦正義累石爲固楚襄王控霸南土刊本固
字楚字互訛今改 又以至無假之關者三千七百
里正義言從曲沃於中西至漢中巴巫黔中千餘里
刊本巴訛邑今改 又封三錢之府集解古者有毋
權子子權毋而行刊本上權字訛平據國語注改

欽定四庫全書考證

卷二十四

欽定四庫全書考證

武英殿聚珍版

卷二十四 史部

史記下

欽定四庫全書考證

卷二十四

二

臣崔景儀恭校

史記下

卷四十二

鄭世家始朝周桓王索隱桓王卽位刊本王訛公據左
傳杜注改 又子憚立是爲釐公索隱左傳作髡頑
刊本頑作原案此字公羊穀梁作原左傳作頑今據
改 又鄭杞子產卒正義子產墓在潁水上刊本潁
訛涇據水經注改 又敗韓兵於負黍正義故周邑
也刊本周訛國據秦本紀正義改
敗秦兵於汪考證汪疑彭衙之誤案左傳文公二年春



二月甲子晉及秦師戰于彭衙是年冬晉先日居鄭公子歸生伐秦取汪及彭衙而還此鄭穆公之三年也傳與史合此汪字不誤

卷四十三

趙世家將以其胄女孟姚配而七世之孫索隱卽娃嬴吳廣之女刊本娃訛姓據毛本改 又徐越爲內史正義少府內史周官案此釋內史不當及少府少府二字衍 又侵齊至長城正義齊長城西頭在濟州平陰縣刊本濟訛齊據楚世家正義及唐書地理志

改 又與燕會阿正義以徐堯二水並過其西案水經注堯當作澗 又燕趙卽此地案文義燕下當有會字 又起壽陵集解徐廣云在常山刊本山訛州今改 又築長城正義疑此長城在潭水之北趙南界案趙南界無潭水此潭字疑潭字之誤 又十年秦取我中都及西陽刊本中字西字互訛據本註及六國表改 又命乎命乎正義重言命乎者以談說衆也刊本乎訛呼今改 又孟姚也索隱舜後封虞刊本舜訛然今改 又王出九門正義戰國策云本

有宮室而居案今戰國策無此語 又爲野臺正義
在定州樂縣西南六十三里據唐地理志樂上當有
新字 又西有林胡樓煩正義七國時趙邊邑也刊
本邊邑二字互倒 又並爲趙西境也刊本並爲二
字互倒今並改 又趙希并將胡代趙與之陘正義
與音余刊本余訛與據淮陰侯傳注改 又在并州
并陘縣東南十八里刊本脫并字據唐書地理志增
又與秦會中陽正義在汾州隰城縣南刊本隰訛
偃據唐書地理志改 又虜卿秦樂閭正義皆燕將
姓名也刊本脫名字今增 又拔武遂方城正義方
城在幽州固安縣南十七里刊本在上衍故字據通
鑑集覽引括地志刪 又封長安君以饒正義明長
安君是號也刊本君訛縣今改

卷四十四

魏世家三十八年伐秦敗我武下正義故武城一名武
平城刊本武下衍之字據秦本紀注刪 又齊敗我
觀正義國語注刊本注訛云 又敗於馬陵正義澗
谷深峻刊本澗訛間今並改 又五年秦敗我龍賈

軍四萬五千於雕陰案五年表作二年 又魏伐楚
敗之陘山正義陘山在鄭州新鄭縣西南三十里刊
本新下脫鄭字據楚世家正義增 又秦拔我新垣
曲陽之城正義未詳端的所在之處也刊本脫在字
今增 又不如用梟也正義博穀有刻爲梟形者刊
本穀訛頭據通鑑集覽引此文改 又決晉水以灌
晉陽之城正義趙襄子保晉陽刊本保訛堡據趙世
家改

卷四十五

韓世家韓姬弑其君悼公索隱姬亦作玘並音羊之反
案年表索隱作姬一作跽同音怡兩處互異 又虜
得韓將鯁申差於濁澤正義齊湣王七年敗魏趙觀
澤濁澤定誤矣刊本趙觀澤三字訛作世家云據年
表改 又與秦共攻楚集解徐廣曰圍景湫也刊本
湫訛座據年表改

卷四十六

田敬仲完世家幸得免負擔刊本擔訛檐據左傳改
又田常兄弟四人乘如公宮案齊世家無人字 又

伐晉毀黃城正義故黃城在魏州冠氏縣南十里刊
本冠訛寇據唐書地理志改 又伐魯葛及安陵案
年表作伐魯莒及南陽 又取魯之郕正義郕魯孟
氏邑是也刊本孟下脫氏字今增 又晉伐我至博
陵案博年表作鱒 又昔日趙攻甄正義北合在卽
墨字上也案此八字與本文全不相比疑他處訛衍
在此

卷四十七

孔子世家齊大夫犁鉏案犁鉏左傳作犁彌 又將適

陳過匡正義故匡城在滑州匡城縣西南十里刊本
脫下匡字據唐書地理志增 又而聞竇鳴犢舜華
之死也集解又作竇犢鳴犢舜華也刊本脫犢字與
本文同今據家語增 又擾而不輟集解不以津告
也刊本也訛者今改 又戰於郎集解哀公十年孔
子自陳至衛也刊本陳字衛字互訛據年表衛表改

卷四十八

陳涉世家然足下卜之鬼乎集解狐鳴祠中卽是也刊
本卽訛則據漢書陳勝傳注改 又而遣故上谷卒

史韓廣刊本史訛使據明監本改 又陽城人鄧說
將兵居郊正義今汝州郊城縣是刊本城縣二字互
倒據下文改 又臆月索隱二世二年十月刊本脫
二年兩字據漢書注及本史表增 又宗懔荆楚記
云刊本懔訛稟今改 又陳王故涓人集解涓人如
謁者刊本如訛知據漢書應劭注改 又涉之爲王
沈沈者索隱劉伯莊以沈沈爲談談案談談疑潭潭
之誤韓愈集符讀書城南詩云潭潭府中居應本此

卷四十九

外戚世家序及繼體守文之君索隱守文猶守法也刊
本文下衍者字猶下脫守字今刪增 又周之興也
以姜原索隱有邠氏之女曰姜原刊本氏訛女今改
又春秋譏不親迎索隱公羊紀裂繻來逆女按裂
繻公羊春秋作履綸此誤
封田蚡爲武安侯索隱在洛州武安縣西南七里刊本
洛訛洛據唐書地理志改
褚先生贊出橫城門正義在雍州咸陽縣東南二十二
里刊本雍訛准今改

武帝年七十乃生昭帝索隱此褚先生之誤刊本誤訛
記據毛本改

卷五十一

楚元王世家嫂詳爲羹盡櫟釜索隱謂以杓櫟釜旁使
爲聲刊本櫟訛歷據史正文改 又都彭城索隱東
海彭城三十六縣也刊本縣訛郡據漢書改 又破
棘 正義在宋州寧陵縣西七十里卽梁棘壁也刊
本卽上衍州字今刪 又子襄王經立案經年表作
注 又邯鄲遂降正義邯鄲洛州縣也刊本洛訛洛

據唐書地理志改

索隱述贊王於彭城刊本於訛失據毛本改

卷五十一

荆燕世家澤使人謂田生日弗與矣集解言不復與我
爲友也刊本友訛與 又文頴曰不復與汝相知也
刊本復訛得並據漢書注改

卷五十二

齊悼惠王世家又殺三趙王正義梁王恢徙王趙刊本
下王字訛燕據漢興以來諸侯年表改 又宦者徐

甲刊本脫徐字據下文徐甲大窮句及漢書增

卷五十三

蕭相國世家何獨先入收秦丞相御史律令圖書藏之
刊本入訛人據明監本改 又而發蹤指示獸處者
人也案蹤漢書作縱顏師古曰發縱謂解縶而放之
讀者乃爲蹤跡之蹤非也據彼說則此蹤字誤

卷五十四

曹相國世家攻定陶取臨濟正義高苑縣西北二里有
狄故城刊本有訛北今改 又雍棗正義括地志云

云案此段多訛脫據書唐地理志及周秦本紀正義
當云故雍城在岐州雍縣南七里故棗城一名武功
城在雍州武功縣西南二十二里古邠國也 又高
祖三年案漢書作二年以下文魏王豹反及生得魏
王豹事考之高祖本紀在三年月表禽豹在二年九
月淮陰侯列傳豹反在二年八月此則與本紀同蓋
傳聞互聞故兩存之

卷五十五

留侯世家其先韓人也正義城父在汝州郟縣東三十

里韓里也案唐地理志邠縣當作邠城縣又韓里也
里字疑地字之訛 又東見倉海君正義元年東夷
歲君南閩等案武帝本紀元年上當有元朔二字
又從容步游下邳圯上索隱文穎云汜水上橋也案
漢書文穎注汜作沂 又應劭云汜水之上也刊本
汜訛圯據下文及漢書注改 又鰕生索隱臣瓚案
楚漢春秋鰕生本姓解案漢書臣瓚注作楚漢春秋
鰕姓疑此解字乃鰕字之訛 又放牛桃林之陰索
隱在弘農闔鄉南谷中刊本訛作在農南門鄉谷中
據漢書注改 又及立蕭何相國集解良勸高祖立
之刊本脫良字據漢書注增

卷五十六

陳丞相世家諸將盡謹索隱漢書作皆怨案漢書作盡
謹與索隱所據本異 又左丞相不治常給事於中
集解不立治處使止官中也刊本立訛在使訛便據
漢書注改 又子簡侯恢代侯案恢功臣表作悝

卷五十七

絳侯周勃世家夜襲取臨濟攻張索隱東郡壽良縣刊

本良訛梁據漢書地理志改 又擊趙賁軍口北索
隱北謂尸鄉之北刊本鄉訛縣今改 又乃拜亞夫
爲中尉正義中尉秦官掌徼巡京師刊本脫官字據
漢書百官公卿表增 又亞夫以中尉爲太尉正義
百官表云刊本表訛主據漢書改 又景帝罵之曰
吾不用也索隱小顏以孟說爲得刊本小訛大檢漢
書注此顏師古語非顏游秦語作小顏爲是今據改

卷五十八

梁孝王世家以武爲代王正義中都故城在汾州平遙

縣西十二里刊本遙訛通據文帝紀正義及唐書地
理志改 又而徙代王王清河正義清陽故城在貝
州清陽縣西北八里刊本脫陽字據唐書地理志增
又迎梁王子闕下案闕漢書作闕疑此誤 又乃
削梁八城案八城漢書作五縣 又梁餘尚有十城
案十漢據書作八城

卷五十九

五宗世家篇目索隱同母者爲宗也刊本同訛司今改
又彭祖立五十餘年案五十漢書作六十 又爲

賈人權會索隱若今之和市矣刊本和訛知據漢書
注改 又程姬有所避不願進索隱脫袿裳免簪笄
刊本袿訛桂今改 又故王后亦以妬媚不常侍病
索隱鄒氏作媚刊本媚訛媚據毛本改

卷六十

三皇世家昭六親之序明天地之屬刊本地訛施據明
監本改

卷六十一

伯夷列傳余以所聞由光義至高索隱卞隨自投于淵

水刊本稠訛桐據莊子讓王篇改 又孤竹君之二
子也索隱叔齊名智字公達案毛本智作致 又竟
以壽終集解直農華陰縣潼鄉刊本縣訛山今改
又賈子曰索隱作鵬鳥賦刊本鵬訛鵬據賈誼傳改
又聖人作而萬物覩正義是周易乾象傳辭也刊
本脫傳字據周易增 又書以道事刊本道訛導據
自序改

卷六十二

管晏列傳於柯之會正義今濟州東阿也刊本阿訛河

據唐書地理志改

卷六十三

老莊申韓列傳於是老子迺著書集解著書九篇名關
尹子刊本尹訛令今改 又作漁父盜踞肱篋索隱
肱篋猶言開篋刊本脫肱字據毛本增 又無爲有
國者所羈正義寧死爲留骨而貴乎刊本死訛無據
莊子秋水篇改 又申不害者京人也正義括地志
云京縣故城在鄭州滎陽縣東南二十里刊本括訛
案脫在鄭州滎陽五字據項羽本紀正義改增 又
韓非者韓之諸公子也正義九年虜王安韓遂亡刊
本遂訛非據韓世家改 又悲廉直不容於邪枉之
臣索隱又悲姦邪諂諛之臣不容廉直之士刊本悲
訛非今改 又汎濫博文正義博文廣言句也刊本
文訛聞據史本文改

卷六十五

孫子吳起列傳於是乃以田忌爲將而孫子爲師案師
齊田完世家作帥 又君若不引兵疾走大梁索隱
謂齊今引兵據大梁之衝案史本文云據其街路此

衝字當作街字 又大破梁軍索隱計相去無十五
歲也刊本五訛三據史正文改 又悼王既葬太子
立索隱肅王臧也刊本臧訛臧據毛本及世家年表
改

卷六十六

伍子胥列傳楚昭王使公子囊瓦集解此言公子又兼
稱囊瓦悞也案春秋傳子囊稱公子子瓦係子囊孫
不稱公子公子二字自是史記之誤至子瓦稱囊瓦
乃以王父字爲氏春秋傳及本書年表皆同非以二
人兼稱也裴駟以是議史殊爲失考 又封夫概於
堂谿正義今豫州吳房縣在州西北九十里刊本脫
房字據唐書地理志增 又號爲白公正義白亭在
象州褒信縣南四十二里刊本脫信縣二字據楚世
家正義及唐書地理志增

卷六十七

仲尼弟子列傳銅鞮伯華介山子索隱家語又云不克
不思案此下一段序伯夷叔齊及趙文子隨武子之
行與本文不相蒙檢毛本無之此仍明監本誤衍

又瑚璉也集解夏曰瑚殷曰璉案禮明堂位作夏后氏之四璉殷之六瑚與此引論語包氏註異 又爲武城宰正義魯武城邑刊本城邑二字互倒今改 又子夏居西河教授正義在汾州隰城縣北四十里刊本隰訛偃據唐書地理志改 又宓不齊正義兗州永昌郡舊單父縣地也東門有子賤碑漢世所立刊本脫昌字門字漢字並據顏氏家訓增 又誤爲宓刊本宓訛密下宓從音綿句亦訛並據史正文改 又子賤爲單父宰正義我之謂任人子之謂任力刊本任俱訛在據說苑政理篇改 又仁則吾弗知也集解未足以爲仁刊本足訛知據論語註改

卷六十八

商君列傳子觀我治秦也刊本治訛視據王鏊本改

卷六十九

蘇秦列傳東周雒陽人也正義蘇秦雒陽乘軒里人也刊本乘軒里作軒里之據趙國策改 又西有雲中九原正義九原郡城在榆林縣西界刊本脫城字今增 又南有噱沱易水索隱噱沱河自縣東至參合

刊本合訛谷增漢書地理志改 又易水出易州易
縣刊本縣上脫易字據唐書地理志增 又西迫強
秦正義貝冀深趙四州七國時屬趙刊本深訛燕考
地理志改 又奉陽君妬而君不任事刊本而君二
字互倒據趙國策改 又劫韓包周則趙氏自操兵
正義趙邯鄲危故須起兵自守刊本危字訛在須字
下今移正 又據衛取淇卷集解卷丘權反刊本立
訛兵今改 又趙涉河博闕案闕字戰國策及張儀
傳俱作關 又昆陽召陵舞陽集解潁川有昆陽舞
陽縣刊本舞下脫陽字據漢書地理志增 又禽夫
差於于遂正義萬安山西南一里太湖刊本訛作萬
安山前遂西南山太湖據春申君傳正義改 又過
衛陽晉之道正義陽晉故城在曹州乘氏縣西北三
十七里刊本脫城字今增 又楚得枳而國亡集解
秦拔楚鄢西陵刊本脫西陵二字據正義增 又齊
得宋而國亡正義四十年五國共擊湣王刊本四訛
三據年表改 又魏無虛頓丘正義今相州所理是
頓丘故城刊本丘訛州今改 又致藺離石刊本脫

離字據戰國策增 又已得講于魏刊本已訛趙據
國策改

卷七十

張儀列傳苴蜀相攻擊正義因取苴與巴焉刊本訛作
因滅巴蜀二郡據華陽國志改 又巴子城在合州
石鏡縣南五里刊本鏡訛鏡 又塞斜谷之口正義
洛州緱氏縣東南四十里刊本緱訛維並據唐書地
理志改 又乃使勇士至宋案至宋楚本紀作宋遺
又不至十日而距扞關集解巴郡魚復縣有扞水
關刊本脫縣字水下衍扞字據通鑑集覽引此注增
刪 又作為金斗長其尾索隱若安長柄則名為料
刊本料訛扞據毛本改

卷七十一

樛里子甘茂列傳智伯之伐仇酉正義智伯欲伐仇酉
國刊本脫仇字據韓非子增 又甘茂至謂向壽曰
案戰國策至下有魏字此脫 又魯人有與曾參同
姓名者案戰國策魯作費 又夫項橐生七歲為孔
子師案毛本索隱夫作大注云尊其道德故云大項

橐各本大俱作夫或正義本與索隱異姑仍之又索
隱故云大項橐刊本脫大字據毛本改

卷七十二

穰侯列傳守梁七仞之城集解駟案小爾雅曰刊本脫
小字據小爾雅增

卷七十三

白起王翦列傳燒夷陵正義夷陵今邾州郭下縣刊本
峽訛硤據唐書地理志改 又趙軍長平正義長平
故城在澤州高平縣西二十一里刊本二十一訛作
北一據元和郡縣志改 又南定鄆鄆漢中正義鄆
在襄州率道縣南九里刊本率訛夷 又漢中今梁
州之地刊本梁訛襄並據元和郡縣志及唐書地理
志改 又夫秦王怛而不信人刊本怛訛怛據王鏊
本改

卷七十四

孟子荀卿列傳倘亦有牛鼎之意乎索隱函牛之鼎刊
本函訛函據呂氏春秋及毛氏改 又楚有尸子長
盧集解今案尸子書晉人也案漢書藝文志作魯人

卷七十五

孟嘗君列傳而殺魏將龐涓索隱至三十六年改為後
元年刊本六訛一據魏世家索隱及竹書紀年改
又會齊宣王東阿南正義東阿濟州縣也刊本濟訛
齊據唐書地理志改

卷七十六

平原君虞卿列傳乃穎脫而出索隱鄭立曰穎環也刊
本環字訛在鄭字上據禮記少儀注改 又是助秦
自攻也刊本自訛目今改

卷七十七

信陵君列傳平原君負韞矢索隱如今之胡籠而短也
刊本籠訛籠據毛本改

卷七十八

春申君列傳王襟以東山之險刊本襟訛施據戰國策
改 又齊右壤可拱手而取也正義謂濟州之南北
也刊本濟訛渭考地理志改 又春申君因城故吳
墟正義闔閭今蘇州也案句有脫漏當作闔閭所都
今蘇州也 又又攻破楚門為昌門刊本改訛攻今

改

卷七十九

范睢蔡澤列傳先生待我于三亭之南正義蓋岡字誤
 為南刊本字訛亭今改 又華陽君索隱華陽君芊
 戎刊本脫君字據史本文增 又于是范睢乃得見
 於離宮正義在雍州長安北三十里也刊本脫州字
 今增 又此所謂借賊兵齎盜糧者也索隱一作藉
 音亦同刊本音亦二字互倒今改 又則其國斷而
 為三正義宜陽二刊本陽下衍今字今刪 又三歲

不上計集解凡郡國治民進賢刊本國作長今改
 又睚眦之怒必報索隱睚眦謂相嗔而怒目切齒刊
 本而怒目切齒訛作怒而見齒也據毛本改 又高
 平拔之正義春秋時周桓王以與鄭刊本春秋二字
 訛作秦今改 又今馬服子代廉頗將索隱號曰馬
 服者言能服馬也刊本號字訛在上句也字之上脫
 能字據毛本及趙世家索隱改增
 太史公贊下索隱睢厄於魏折脅摺齒刊本魏訛齊據
 本傳改



卷八十一

廉頗藺相如列傳大破之取陽晉刊本陽晉二字互倒
據索隱改

卷八十二

田單列傳贊夫始如處女適人開戶正義易將及剽卒
燒龔墓刊本剽訛被據本傳改

卷八十三

魯仲連鄒陽列傳不肯仕宦任職刊本宦訛官據明監
本改 又周烈王崩正義與徐不同案上文云烈王

七年崩齊威王之十年也正與集解引徐廣語同此
云不同疑徐廣語本有異傳寫誤同耳 又故不敢
入於鄒刊本故訛固據王鑿本改 又白虹貫日索
隱聶政刺韓傀刊本傀訛倮據毛本及戰國策改
又昔卞和獻寶索隱成王各憚刊本憚訛悼據年表
改 又王奢去齊之魏集解王奢齊臣也刊本臣訛
人據漢書注改 又食以馱馱索隱馱馱子刊本
羸訛羸據匈奴傳改 又甯戚飯車下牛索隱斫者
石淨貌也刊本石訛自據毛本改 又則士伏屍堀

穴巖藪之中耳刊本藪訛巖今改

卷八十四

屈原賈生列傳大破楚師於丹浙正義丹陽今枝江故
城刊本枝訛岐據後漢郡國志改 又懷王悔追張
儀不及刊本悔字訛在追字下據明監本改 又豈
足福哉正義豈足受福刊本足訛是今改 又何不
隨其流而揚其波索隱楚詞隨其流作捐其泥也案
捐楚詞今本作澗與索隱所據本異 又傷懷永哀
兮汨徂南土刊本永訛求據楚詞改 又鳳凰在效

兮正義足履正尾繫武刊本繫訛擊據王鏊本改
又浩浩沅湘兮正義湘水出零陵縣陽海山北入江
刊本脫陽字入江上衍至字據說文增改 又遂自
投汨羅本死正義故羅縣城在岳州湘陰縣東北六
十里刊本湘訛相據唐書地理志改 又獨與道息
索隱不以心捐道不以人助天刊本捐道訛損死人
訛入據莊子大宗師篇改

卷八十五

呂不韋列傳陽翟太賈人也正義陽翟今河南府縣刊

本縣訛也今改 又此奇貨可居正義處於廊城刊
本廊訛聊考戰國策高誘註廊城趙邑吳師道注云
字書無廊字龍龕手鑑音脚今據改 又太子門下
無貴者案戰國策此句下有君之府藏珍珠寶玉八
字諸本皆脫 又楚有春申君正義孟嘗平原死稍
在前刊本平原訛春申據年表及傳改 又遂遷太
后於雍索隱遷太后棫陽宮刊本棫訛減下句亦訛
據毛本及說苑漢書地理志改

卷八十六

刺客列傳聶政者軹深井里人也正義在懷州濟源縣
南三十里刊本州訛川今改 又多人不能無生得
失索隱此云生得言將多人往殺俠累後有被生擒
而事泄刊本多人二字互倒據毛本改案史正文生
得失索隱作生得以生擒解之明唐時本無失字此
失字應是後人誤增 又故重自刑以絕從正義其
姊妄云爲已隱誤矣刊本複衍云字今刪 又恣荆
軻所欲以順適其意索隱軻拾瓦投龜太子捧金丸
進之刊本脫捧字據明監本增 又將軍豈有意乎

刊本脫乎字據明監本增 又設九賓正義設文物
大備卽謂九賓刊本文訛交據藺相如傳注改 又
取舞陽所持地圖刊本舞訛武今改 又中銅柱正
義燕太子篇云刊本脫篇字今增

卷八十七

李斯列傳楚上蔡人也索隱至昭侯徙下蔡刊本下訛
上據地理志改 又以作注漑渠正義自中山西邸
瓠口爲渠刊本脫中字西字瓠訛邠據河渠書及漢
書溝洫志增改 又孝文用商鞅之法案文字當作
公 又今青臣等案青臣卽上僕射周青臣諸本訛
作臣青今改 又水搖動者萬物作索隱水搖者謂
水泮而搖動也刊本水泮訛水泮據毛本改

卷八十九

張耳陳餘列傳頭會箕斂集解家家人頭數案漢書服
虔注作吏到其家人人頭數出穀以其斂之 又要
之置厠刊本脫厠字據索隱增

卷九十

魏豹彭越列傳彭越者昌邑人也正義漢武更山陽爲

昌邑國刊本脫邑字據漢書地理志增 又楚命蕭
公角正義蕭縣屬楚刊本屬訛令今改

卷九十一

諫布列傳布常爲軍鋒索隱漢書作楚軍前簿案今漢
書作布爲前鋒與索隱所據本異當是漢書傳寫誤
又何爲廢上中計而出下計刊本爲訛謂據漢書
改 又果如薛公籌刊本如訛加今改 又諸侯戰
其地案漢書戰上有自字 又以故長沙哀王集解
芮之孫回刊本訛固據漢書注及表改

太史公贊妒媚生患索隱媚是媚也刊本媚訛媚據毛
本改

卷九十二

淮陰侯列傳齊趙亦反漢與楚和刊本亦訛欲據下云
擊趙代擊齊則齊趙此時已反漢和楚不得言欲據
漢書改 又箠山而望趙車案箠說文云蔽也从竹
卑聲刊本箠訛草考漢書亦訛據索隱及說文改
又褊衣甘食索隱漢書作靡衣媮食刊本靡訛美據
毛本及漢書改 又驛兵集解劉氏依劉逵作驛酒

案劉氏當作裴氏指裴駟也 又與信夾濰水陣索
隱東北至都昌入海刊本都昌二字互倒據漢書地
理志改 又爲百姓請命正義士卒不死亡故云請
命刊本不死亡作亡故 又守儋石之祿者集解石
斗石也刊本斗石二字互倒並據漢書注改 又蒯
通說不聽索隱案漢書及戰國策刊本書下衍因字
今刪

卷九十三

韓王信盧縮列傳國被邊集解被音被馬之被刊本訛
作被音皮義反據漢書及李奇注改 又漢封頽當
爲弓高侯索隱功臣表屬營陵刊本營訛榮據漢書
及表改 又陳豨者宛胸人也索隱屬濟陰刊本濟
訛齊據漢書地理志改 又迺封豨爲列侯集解陳
豨以特將將卒五百人前元年從起宛胸至霸上爲
侯刊本脫一將字起字據功臣侯表增 又自立爲
代王刊本代訛大今改 又破豨將張春于聊城案
此聊城當是扇城卽戰國策呂不韋所謂秦子異人
質于趙處于扇城者非魯連射書燕將之聊城也舊

本俱誤

卷九十四

田儋列傳相橫走博陽案漢書作走博蘇林曰泰山博縣也疑此陽字衍 又八海居島中正義案海州東海縣有島山刊本東海訛東北據唐書地理志改

卷九十五

樊鄴滕灌列傳舞陽侯樊噲者沛人也正義沛徐州縣刊本縣訛也今改 又與司馬巨戰碭東刊本巨訛尼據高祖本紀索隱及曹相國世家正義改 又從

攻長社輟輟正義輟輟關在緱氏縣刊本關訛門今改 又別擊西丞白水北集解白水今廣平魏縣也刊本脫平字據漢書注增 又雍輕車騎于雍南破之索隱雍即扶風雍縣刊本縣上行昌字今刪 又至雲中正義今朔州善陽縣北三百八十里定襄故城是也刊本今訛皆據王鏊本改 又將軍太僕解福刊本軍字下衍太卜二字蓋沿王鏊本之誤據明監本毛本刪 又破雍將軍焉氏刊本焉訛烏據索隱改 又攻其前拒索隱小顏以為攻其壁壘之前

垣也刊本脫前字據漢書注增 又徐行面雍樹乃
馳集解南陽人謂抱小兒爲雍樹案漢書注陽作方
與此異 又留公旋高密刊本旋訛于據索隱改
索隱述贊滕灌更王案滕公夏侯嬰及灌嬰俱未封王
此更王二字疑誤

卷九十六

張丞相列傳臣不能言然心知其不可正義昌以口吃
刊本昌訛期今改 又任敖者故沛獄吏集解曾孫
越人刊本曾訛魯今改 又太上皇廟塹垣集解宮
外垣也刊本宮訛官今改 又子侯去病代集解一
本無侯去病刊本侯訛此今改 又桃侯劉舍爲丞
相刊本舍訛舍據功臣侯表衛綰傳及漢書改

卷九十七

鄭生陸賈列傳布不聽而聽梁父侯遂反索隱布用梁
父侯計遂反耳刊本用上衍不字據漢書巨璫注
又乃奉百金往稅案稅漢書作祝顏師古注其
字從衣又說文云贈終者衣被曰祝似其字作祝
但考詩衛風說於農郊說本或作稅鄭康成亦以衣



服曰襜解之知說稅二字古與襜說通不必作衣旁
始爲襜也今仍之 又沛公遽雪足杖茅刊本遽訛
據據王整本改

索隱述贊始冠側注刊本冠訛官據本傳改

卷九十八

傅靳蒯成列傳子頃侯精立刊本頃訛須考謚法無須
字據表改 又蒯成侯縲者索隱漢書作酈刊本酈
訛蒯據下文改 又縲子居代侯索隱沛郡有鄆縣
刊本鄆訛多據漢書地理志改 又表云子應不同

也刊本也訛者據毛本改

卷九十九

劉敬叔孫通列傳婁敬脫輓輅索隱輓者牽也刊本輓
訛晚今改 又今陛下起豐沛刊本豐下衍擊字案
高帝本紀無擊沛事據漢書刪 又迺令羣臣習肄
刊本肄訛隸注同據毛本索隱改 又奈何令後世
子孫乘宗廟道上行哉集解其道值所作複道下刊
本脫下字據漢書如淳注增

卷一百

季布欒布列傳置廣柳車中索隱諸飾所聚刊本飾訛
色據周禮經人註改 又數招權集解招求也刊本
求訛來據漢書孟康注改 又徒以彭王居梁地刊
本徒訛徒今改 又吳軍反時以軍功封俞侯案漢
書吳軍作吳楚疑此軍字誤
太史公贊身屢典軍塞旗者數矣案索隱作身覆軍無
典字此典字疑衍

卷一百一

袁盎鼂錯列傳陛下竟爲以天下之大刊本爲以二字
互倒據明監本王本改 又袁盎引却慎夫人坐集
解豫設供帳待之刊本脫帳字據漢書如淳注增
又鼂錯謂丞史曰集解丞史丞及史也刊本及訛相
據漢書改

卷一百二

張釋之馮唐列傳張廷尉釋之者堵陽人也正義應劭
曰哀帝改爲順陽考地理志此註在博山下不釋堵
陽又哀帝作明帝疑此誤 又西抑強秦南友韓魏
案友漢書作支 又其軍市租索隱案漢書市肆租

稅之人刊本脫書字今增 又主中尉及郡國車士
集解車戰之士刊本戰訛軍據漢書服虔注改

卷一百三

萬石張叔列傳爲便坐索隱蓋謂爲之不處正室別坐
他處刊本他訛之今改 又孝文時以治刑名言索
隱崇上抑下合于六經也刊本經訛家據漢書注改
又刑名家卽太史公所說六家之二也此說非刊
本脫此說非三字據漢書注增

卷一百五

扁鵲倉公列傳視見垣一方人索隱言能隔牆見彼邊
之人則取通神也刊本眼訛服據毛本改 又盡見
五臟癥結正義六府謂大小腸胃膽膀胱三焦也刊
本廢小字今改 又鏡石橋引案抗毒熨刊本抗訛
杭毛本索隱訛杙考索隱此字音玩謂玩算身體使
調則作抗爲是今據改 又因五藏之輸正義大腸
之原出於合谷刊本合作全據難經改 又問病之
陽論得其陰正義幕在陰俞在陽刊本幕訛募 又
腹爲陰五藏幕皆在腹刊本腹訛腸據下文背爲陽

五藏俞皆在背句知此當是腹字今並改 又忽忽
承映索隱音接刊本接訛挾據毛本及王本改 又
代則絡脈有過正義遂上魚爲溢爲外關內格案魚
下脫際字 又經主病和者正義其自高骨從寸至
尺名曰尺澤刊本自高骨訛作高自骨今改 又脈
法曰脈來數疾刊本疾訛病據宋本改 又病得之
流汗出滫刊本滫訛滫據毛本改 又言蹶陰之絡
結小腹也案素問靈樞難經脈蹶俱作厥此誤

太史公贊下正義小腸謂受穀而傳入於大腸也刊本

受訛之今改 又溫五藏主藏意刊本意訛榮據王
砮注素問改 又兩足各有三陰刊本脫三字據上
足三陰之服句增

卷一百六

吳王濞列傳卒踐更輒與平賈集解爲卒者雇其庸刊
本者雇二字互倒據漢書注改 又正義古者正卒
無常人皆當迭爲之刊本迭爲二字訛作迭字據漢
書昭帝紀如淳注改 又又行者出錢三百入官云
云案漢書注作又行者當自戍三日不可往便還因



便住一歲一更諸不行者出錢三百八官官以給戍者此又行者下直接出錢云云當有脫 又西走蜀漢中正義走音奏刊本奏訛後據蒙恬傳注改 又如得列將人戶三千刊本戶訛邑據王鏊本改 又初吳楚反書聞兵未發刊本脫初字據漢書增 又楚兵輕正義輕遣正反刊本脫遣字據左傳隱公九年釋文增 又比至城陽正義地理志云城陽國故齊刊本云下衍城陽志云四字據漢書地理志刪 又且以誅錯刊本誅訛銖今改

卷一百七

魏其武安侯列傳輒令財取為用集解令自裁度取為用也刊本令自二字互倒據漢書注改 又魏其者沾沾自喜耳集解沾一作怙刊本怙訛恬今改 又或曰沾音瞻刊本瞻訛愴據張晏注漢書改 又學槃孟諸書集解應劭曰黃帝史孔甲所銘也凡二十九篇刊本史訛使九訛六檢漢書注應劭說作二十九篇與孟康說異今據改 又堂前羅鐘鼓立曲旃集解禮大夫建旃曲旃柄上曲也刊本建旃訛作立

曲旃脫下旃字據漢書注改增 又索隱說文曲旃所以招士也考說文作旃旗曲柄也所以旃表士衆與此異 又引繩批根集解批根賓客棄之者不與交通也刊本也字訛在賓客二字下 又根根格刊本格訛括並據毛本索隱及漢書注改 又辟倪兩宮間索隱辟普係反刊本辟訛碎今改 又局趣效轅下駒正義應劭曰駒馬駕著轅下刊本駕訛加脫下字據漢書注改增 又且帝寧能爲石人耶正義言徒有其形耳刊本脫形字據漢書注增 又武安

侯坐衣襜褕正義衣蔽前謂之襜刊本衣訛今據爾雅改

卷一百八

韓長孺列傳韓安國者梁城安人也正義地理志云成安屬潁川郡刊本地理志訛作括地志據漢書改 又見大長公主正義如淳曰景帝妹也案毛本漢書如淳注妹作姊 又悅一邪臣浮說索隱悅漢書作誅說文誅誘也刊本誅訛怵據漢書及說文改

卷一百九

李將軍列傳不擊刁斗以自衛索隱銷卽鈴也刊本銷
訛鐮案此解蘇林形如銷句今據毛本改 又然亦
遠斥候索隱計慎註淮南云刊本脫注字據毛本增
又諸侯多中首虜集解本秦法得首若干封侯刊
本秦訛義今改

卷一百十

匈奴列傳其奇畜則橐駝索隱背肉似橐故云橐也刊
本橐訛駝脫也字 又包愷音托刊本托下衍他字
據毛本改刪 又馱駝索隱廣志音決蹄也刊本音

訛云據毛本改又毛本索隱廣志作廣異志與此異
又周西伯昌伐畎夷氏索隱山海經云黃帝生苗
至是爲犬戎一段考山海經作黃帝生苗龍苗龍生
融吾融吾生弄明弄明生白犬白犬有牝牡是爲犬
戎與此注異 又武王伐紂而營維邑索隱出上郡
雕陰泰昌山刊本雕訛彫據漢書注改 又遂取周
之焦獲正義在雍州涇陽縣城北十數里刊本城北
二字互倒今改 又齊釐公與戰于齊郊索隱釐音
僖名諸兒也案春秋及世家齊僖公名祿父僖公子

襄公名諸兒此索隱誤 又襄王奔于鄭之汜邑索
隱汜音凡刊本凡訛泛據毛本改 又或居于陸渾
索隱杜預以爲允姓之戎居陸渾刊本允訛九脫渾
字據左傳注改增 又翟獯之戎索隱天水有綿諸
道獯道案此正釋本文獯字刊本獯訛狄據漢書地
理志改 又燕北有東胡山戎索隱以父之名字爲
姓刊本訛作以之名烏號爲姓據毛本改 又後有
所愛闕氏索隱今日始視紅藍刊本視訛親 又後
當爲足下致其種刊本脫爲字下字並據毛本改增

又至朝那膚施正義膚施縣秦因不改案此當作
膚施秦縣漢因不改 又後北服渾庾屈射丁零刊
本零訛靈注同今改 又故使郎中係雱淺奉書索
隱係胡計及刊本訛作係音計據毛本改 又駕一
駟正義二駟八匹馬也刊本脫二字據漢書注增
又攻祁連山索隱南北百里刊本脫南字據毛本增
又令吾太子爲質無幾矣正義幾音古紀反言無
所冀望也刊本古紀訛紀言言訛古據王鏊本改
又至廬胸集解廬胸匈奴地名也刊本脫胸字據毛

本增 又正義地理志云五原郡稠陽縣北出石門
鄯得光祿城又西北得支就城又西北得頭曼城又
西北得虜河城又西北得宿虜城刊本地理志訛括
地志稠訛相支就城訛支就縣虜河城訛牢城河宿
訛宥並據漢書改 又昔齊襄公復九世之讐刊本
九訛百 又集解九世猶可以復讐乎曰雖百世可
也刊本脫曰字可下衍知字並據漢書及公羊傳改
刪

卷一百十一

衛將軍驃騎列傳今車騎將軍青度西河正義今勝州
東河也刊本今訛云今改 又長史安正義律都軍
官長史一人也刊本脫長字據漢書注增 又斬單
于太父行籍若侯產案此句當依漢書張曼及顏師
古注作單于祖父行籍若侯名產為是本注索隱謂
籍若是匈奴祖之行第產即太父之名竟為斬單于
祖矣失其辭 又殺折蘭王公義今鮮卑有是蘭姓
者即其種刊本是訛其據漢書注改 又大當戶銅
離索隱徐註與表同今案漢書本傳作調雖功臣侯

表作稠睢與此徐廣說作稠離俱異索隱云同誤也
又減隴西北地上郡戍卒之半刊本地沿明監本
誤作平據王鏊本改 又將軍路博德平州人正義
案西河郡今汾州刊本汾訛邠據唐書地理志改

卷一百十三

南越尉佗列傳置桂林南海象郡索隱畧陸梁地以爲
南海桂林象郡刊本桂訛鬱據秦本紀政 又用爲
南海龍川令正義有龍穿地而出卽穴滿泉刊本滿
下行東字據漢書注刪 又要之不可以悅好譖入

見刊本悅訛說據毛本索隱改 又卽藏其先武帝
璽索隱李奇云刊本奇訛郤據毛本及漢書南粵傳
注改 又犁且城中皆降伏波索隱漢書亦作遲明
刊本漢書下行史記二字據毛本刪 又皆得爲侯
索隱封爲隨桃侯刊本脫隨字據毛本及漢書南粵
傳增

索隱述贊越權南裔刊本權訛推 又卒從勦棄刊本
棄訛絕並據索隱改

卷一百十四



東越列傳閩越王無諸索隱故字從虫門聲刊本門訛
閩據說文改 又以其地爲閩中郡索隱小顏以爲
卽今之泉州建安也案此句索隱無 又都東甌索
隱永嘉記水出水寧山刊本說永字據毛本增 又
令諸校屯豫章梅嶺待命索隱在洪崖山刊本崖訛
崔據毛本改 又八白沙武林索隱名曰白沙坑刊
本坑訛沙據毛本改

卷一百十五

朝鮮列傳自始全燕時嘗畧屬真番集解番普寒反刊

本寒訛蓋今改

卷一百十六

西南夷列傳自同師以東索隱漢書作桐師刊本師訛
鄉據漢書改 又冉駝最大正義其山有六夷七羌
九氏刊本氏訛蠻據後漢書改

卷一百十七

司馬相如列傳其山則盤紆峴鬱刊本沿明監本誤峴
作莠據王鑿本及漢書文選改 又雌黃白坳集解
白坳白石英也刊本坳訛符據漢書注改 又案衍

壇曼索隱衍音弋戰反刊本戰訛單據毛本改 又
其高燥則生箴蘄苞蒹索隱蘄漢書作析刊本蘄字
析字互訛 又孟康云斯禾似燕麥案漢書斯禾二
字作析字 又皆如中國燕麥是也刊本如中國訛
作中國苗據毛本改 又其埤涇刊本埤訛卑註同
據漢書及文選改 又則生藏葭蒹葭索隱似蘄而
細小刊本蘄訛蘄據漢書注及爾雅釋文引字林改
又江東人呼爲烏蘄刊本蘄訛燕據爾雅注改
又其中則有神龜蛟鼉正義小頭細頸有白嬰刊本
訛作小細頭有白嬰 又鼉似蜥蜴而大刊本蜥訛
蜥並據山海經注改 又木蘭正義葉冬夏常似春
刊本春訛冬據廣雅改 又檀梨棊栗本檀訛檀據
明監本王本及漢書文選改 又於是鄭女曼姬正
義楚武王夫人鄧曼刊本脫曼字今增 又觀乎成
山索隱郭璞言在山游觀刊本山訛小今改 又出
入涇渭索隱涇水出安定涇陽縣開頭山刊本開訛
并據漢書地理志改 又酆鄆潦滴索隱滴湧出聲
也刊本湧訛通據漢書注改 又禹禹鱸鮪集解鮪

音納刊本納上行音楊二字今刪 又鷓鴣鷓集

解鷓鴣鷓也刊本鷓訛鷓據漢書注改 又丘墟岫

巒正義皆堆壠不平貌隱麟鬱巒正義皆其形勢也

案漢書注引郭璞說土句作皆其形勢也下句作皆

堆壠不平貌與此正義異 又窮奇象犀索隱一角

在頭也案小顏注漢書云一角在鼻一在額前與此

異 又沙棠櫟楮集解楮似枌刊本枌作櫟案漢書

注云枌音零八據改 又華汜檠櫨索隱葉圓而岐

刊本葉訛素據毛本改 又蜥胡毅蛻索隱案山海

經云刊本脫海字據毛本改 又絳白虎索隱著白

虎文絳也刊本文訛之據毛本及漢書注改 又格

蝦蛤刊本蝦訛蝦據毛本索隱及漢書文選改 又

掩細柳正義在昆明池南柳市刊本脫池字據文選

注增 又淮南子遮索隱淮南鼓員四人刊本脫鼓

字據漢書樂志增 又洞出鬼谷之崩巒鬼磈集解

鬼谷在北辰下案漢書注作鬼谷在崑崙山北直北

辰下 又西望崑崙之輒正義出于崑崙西北隅刊

本訛作出書于西河北隅據上下文義改又黃河出

東北隅刊本河訛海今改 又文王改制集解孟子稱文王生于畢郢案孟子文王生於岐周卒於畢郢與此異 又招翠黃乘龍於沼集解訾黃其何不徠下刊本訛作紫黃湛河不下來據漢書禮樂志改

卷一百十八

淮南衡山列傳子賜爲陽周侯刊本陽周二字互倒案周陽乃淮南王舅趙兼所封非此子賜封今據惠景問侯者年表及漢書表傳改 又男子之所死者一言耳集解不成則死一計耳刊本一訛二據王鑿本

改

卷一百二十

汲鄭列傳然至其輔少主守城深堅案城漢書作成又賈人與市者刊本賈訛買據明監本改 又爲大農儻人索隱儻音卽就反刊本卽訛郎今改

卷一百二十一

儒林列傳焚詩書坑術士正義今新豐縣溫湯之處號愍儒鄉溫湯西南三里有馬谷谷之西岸有阮古相傳以爲秦阮儒處也刊本二湯字俱訛陽又三里訛

三百里以字下脫爲字並據漢書儒林傳注增刪改
又申公人見高祖於魯南宮案正義引括地志及
鄭康成泮宮說解之則南宮當作泮宮 又逸書得
十餘篇索隱孔臧與安國書云刊本脫書字據毛本
增 又何圖乃有百篇邪刊本何訛河今改
卷一百二十二
酷吏列傳吏苛察盜賊惡少年投鋸刊本鋸訛鋸據毛
本索隱及漢書改

卷一百二十三

大宛列傳與堂邑氏故胡奴甘父案集解不釋故字索
隱及漢書張騫傳俱無故字此故字誤衍 又東流
注鹽澤正義鹽澤去玉門陽關三百餘里刊本脫去
字陽字據漢書西域傳增 又安息正義南乘海乃
通大秦刊本南訛自據漢書西域傳改 又其西則
條支正義土多金銀奇寶刊本多訛地據後漢書西
域傳改 又大秦在安息條支西刊本脫息字據下
句增 又植之滋息無極刊本植訛擲今改 又安
息長老傳聞正義既是安息長老傳聞案史本

文無安者二字此誤衍 又西有弱水流沙刊本沙
 訛水今改 又先儒多引大荒西經云云檢大荒西
 經無此文觀下云與大荒西經合則此非大荒西經
 明矣四字誤 又太子有子曰岑娶案娶漢書西域
 傳作陬
 太史公贊下索隱其實出於冢嶺山刊本冢訛葱據毛
 本及尚書傳改

卷一百二十四

游俠列傳與季次原憲刊本與訛予 又近世延陵集

解故有延陵之號刊本故訛何今並改 又乘不過
 鞬牛索隱大牛當輓小為鞬牛刊本脫小為鞬牛四
 字據毛本增 又是時濟南瞿氏索隱瞿音間刊本
 間訛閑據毛本改 又至踐更時脫之集解貧者欲
 得顧更錢者刊本錢訛踐據漢書昭帝本紀注改
 又東道趙他羽公子索隱舊解以趙他羽公子為二
 人刊本羽訛與又脫二字據毛本改增

卷一百二十五

佞幸列傳於是賜鄧通蜀嚴道銅山正義案榮經卽嚴

道刊本案訛邑今改 又吏輒隨沒入之索隱別有
物賜通吏輒沒入刊本脫賜通二字據毛本增

卷一百二十六

滑稽列傳髡髻鞬鞞集解衷袂也刊本袂訛衿今改
又苦爲河伯娶婦正義河伯華陰潼鄉人刊本陰
訛陽今改 又遂爲河伯娶婦也案娶婦二字衍
又西門豹卽發民鑿十二渠正義令吾臣皆如西門
豹之爲人臣也刊本訛作今吾爲臣皆非西門豹之
爲人臣也據漢書溝洫志改 又遂引漳水溉鄴以

富魏之河內刊本富下衍漳字內訛名據漢書溝洫
志刪改 又左思魏都賦云刊本脫都字今增

卷一百二十八

龜策列傳卽以篝燭此地集解陳涉世家曰夜篝火也
刊本篝俱訛篝據陳涉世家改 又因以醪酒佗髮
刊本醪訛譙據王鑿本改 又謹以梁卯煇黃索隱
煇灼龜木也刊本脫灼字據毛本增 又大論曰案
隱及命兆之辭刊本兆訛召今改

卷一百二十九

貨殖列傳夫山西饒材竹穀纜索隱穀音谷又音雒刊
本訛作音谷雒反據毛本改 又龍門碣石正義龍
門山在徐州龍門縣考唐地志河中府龍門縣先爲
泰州治後隸絳州後隸河中府不言徐州此徐字應
誤 又角銅鐵正義山上有赭其下有鐵刊本脫
上有字據管子增 又設輕重九府正義周有太府
玉府內府外府泉府天府職內職金職幣刊本脫泉
府職幣四字據漢書食貨志注增 又人民矜懍伎
集解今北土名疆直爲懍中也刊本北訛以今改

又跼蹠集解張晏曰舞蹠也刊本舞訛跼據下潁川
節注改 又陶睢陽正義今宋州宋城也刊本城訛
地據唐書地理志改 又陳在楚夏之交正義夏都
陽城刊本都下衍計字今刪 又東海吳廣陵正義
東海郡今海州也刊本州訛郡據唐書地理志改
又江南正義徙都宛陵刊本陵訛城據元和郡縣志
宣州文改 又此言大江之南豫章長沙二郡乃是
南楚之地耳刊本脫乃是二字複衍南楚一字今增
刪 又鄖關集解案漢中亦作徇字考地理志漢中

旬陽有旬水或作洵不作徇 又果隋羸蛤刊本隋
省作隋據毛本索隱改 又正義修太史公書述地
志乃改云果苾羸蛤刊本志訛云改訛故據此所引
地理志改 又濁氏連騎索隱以末椒薑粉之訖刊
本粉訛坊據毛本改

卷一百三十

太史公自序命南正重以司天索隱故命南正重司天
刊本南下衍方字今刪 又程伯休甫其後也索隱
然案班彪之序刊本案班訛後案據王鏊本改 又

賜死杜郵索隱其地後改爲李里也刊本李里二字
互倒據毛本改 又皆葬高門正義夏陽縣故城東
南有司馬選冢刊本脫城字今增 又談爲太史公
索隱則令郡縣所上圖書刊本郡訛州圖訛國據毛
本改 又茅茨不翦正義屋蓋曰茨刊本屋訛屈據
漢書注改 又食土簋集解一作墻刊本墻訛溜今
改 又鄉射鄒嶧正義嶧山在鄒縣北二十二里刊
本嶧訛鄉北訛各據王鏊本改

欽定四庫全書



